



方日斯先生詩稿

正副共二本



正本辛酉九月 宣德日



七言律

送候官令譚古庵奉薦入覲

維揚才子早知名  
出宰循良更有聲  
雅化正看齊單父  
徵書見下承  
明上林柳色迎飛鳥  
南國梅花戀去旌  
疾苦還應陳殿陛  
遍將膏雨答蒼生

又

彤庭特詔簡賢良  
茂宰才高足薦揚  
百里豈宜淹鳳羽  
五雲真合拜龍章  
梅花臘吐迎征旆  
鳥影晨飛接御香  
到日臨軒應顧問  
好將民隱對君王

贈彭艾庵

妙材獨冠五羊城，剖竹爭傳廉使名。但使遺膏千里重，休嫌去國一身輕。蒼梧夜雨孤臣淚，丹嶠秋風客子情。聖代卽今隆故老，知君終不負蒼生。

輓芥門池烈女

盡言氣節屬男兒，不及章江女子奇。異室早知同穴義，悼亡先賦柏舟詩。汨羅飲恨騷難續，斷髮推心石匪移。一死可完巾幗事，從容真足愧鬚眉。

賦得仙侶同舟晚更移

長安春色日邊開，太液波光接露臺。綠鷁徐牽紫外路，錦帆雙倚洛中才。臨風賦就詩千首，待月懷傾酒一杯。五銀燭樹前翻惜別，岸花隄柳總堪哀。

石鍾山

湖光涵澹客心驚，石勢嶙峋削不成。地籟暗從空處發，天風細逐浪中生。月明松際鶴孤唳，雲閉僧房鳥自鳴。不有眉山能作記，祇今誰解聽鍾聲。

駐馬椿

相傳為陳友諒繫馬處

石人挑動昴星移，逐鹿爭看靖孽旗。西楚未寧亡義帝，函關

猶閉走王離鄱陽討伐風雲會赤壁悲歌烏鵲詩霸業早知離  
不道英雄駐馬更何時

王仰六會伯携觴招同諸子登黃鶴樓

乘鶴仙人事有無漢陽風景正堪圖會心饒得高僧趣索句翻疑  
李白諛天覆遠山雲一色地分流水浸千區更看煙火迷春樹萬  
里波濤接舳艫

其二

煙波黯淡暮雲平漢水流亦有情鶴駕已孤江上影笛聲猶向客  
中生樽開河朔蒲新綠愁逐鄉關柳細迎鸚鵡洲沉芳草冷

踈狂何處問禰衡

中州懷古

險阻曾聞接太行天中都會數周疆三分霸業雄曹魏千里王  
京拱汴梁宣室鬼神前席冷布衣水草廬荒驅車更出夷門  
道執轡高風照夕陽

野烟青草望無涯襟帶山河壯帝家吳楚東南消壁壘燕齊表  
裏藉桑麻梁園此日巢空燕銅雀于今宿暮鴉何事安仁能作  
令風流只解學栽花

過黃河

續禹誰將底績同  
虛傳浩渺與天通  
桃花浪漲疑無定  
執子歌成若有功  
玉粒遠輸千里外  
錦帆斜掛一風中  
于今喜遇澄清日  
草色青青映碧空

登望京臺

臺在衛輝城南路藩宮內

望京臺上暮鳥棲  
帝子魂歸故國迷  
長樂鐘聲雲外度  
昭陽樹色雨中低  
杜鵑有淚啼新月  
芳草無心長舊蹊  
昔日深嚴宮禁地  
幾多人眺夕陽西

湯陰謁岳忠武廟

君臣一德盡藏羞  
少保空懷報國憂  
金匱有心渝舊約  
水天

何事藉良謀  
欲將再造憑  
專閫祇恐三  
說泣杜郵  
未底黃龍  
身便死  
故鄉遺廟恨  
悠悠

抵

三字獄成宋業荒  
孤臣猶有一祠堂  
兩河赤子時含淚  
二帝幽魂遠斷腸  
故相豐碑寒食冷  
諸陵金盃劫灰揚  
江山幾變餘空廟  
靈爽依、擁汴梁

邯鄲道中

邯鄲道上暮煙輕  
馬首低徊百感生  
瑟冷佳人虛度陌  
劍悲公子不成行  
古隄斷續通連河  
潤旅店蒼茫但月明  
聞道俠邪猶故里  
漫將學步望西京

追輓林楚涵夫子

祭酒文壇五十年終身猶困一青氈  
非關吾道悲歎地自是生才缺憾天  
絳帳春風虛夜月挂闌秋色冷寒烟  
每思鍾李承恩處俯仰雲山涕淚漣

和鄭香石燕臺九日感懷原韻

望空鴈影斷衡陽九月寒風撲面涼  
對酒不須愁落帽登高強半為思鄉  
一天白露橫秋色滿地黃花亂客腸  
遙憶道山亭畔石遊人幾處興偏長

送林伊仲自國學歸省次韻

才名蕪北獨爭先祇為高堂著去鞭  
花夢欲隨親夢近絲衣還看繡衣聯  
菊開燕圃秋方老楓冷吳江月滿天  
我憶故園風景好白雲嶺上倍情牽

送葉撫生之任普定

盤江一曲滙瀘溪仙令鳧飛到水西  
黔郡雲山春日麗夜郎風雨鳥聲低  
桃花漲急迎征艦楊柳枝青送馬蹄  
地僻不妨棲鳳羽御屏應見姓名題

讀忠孝錄追輓故明郎令趙景思先生

賊敵憑陵震兩川孤臣無力可回天  
直將大節存流水不把幽魂

托杜鵑萬里怒濤添舊淚百年遺事見新篇錦江杯土酬  
枯骨風木悲生宿草鮮

公嗣子慶麒尋骨不獲囊土歸葬

### 畫竹

亭、玉立拂雲長風入微、暗有香蒼翠嬌容宜傍漢參差黛  
色欲垂堂照杯漸覺琴書潤侵卧頻知枕簟涼但與此君特對  
面不貪富貴羨花王

尺幅憑將君子裁千尋勁節望中開窮愁不假求綿種潦倒何  
孤問襪材稚子穿籬疑動石老妻燒火欲添杯幾回月落空庭  
內彷彿身行渭水隈

### 春日感懷五首

三年薄宦只虛名竟日勞、過此生不慣事人爭笑罵早知善  
世肯逢迎踈狂膽落當途筆顛倒心疲使客旌五斗未沾腰

屢折清風真謝昔淵明

祿微本欲逮雙親豈謂終天恨棘人臣罪當誅慚奉職 君恩  
未報老閒身霜凋林下楓先落雪滿山中草又春解網莫沾  
寬大政祇今漂泊敢辭貧

迂拙原非濟世材真宜蕪沒伴蒿萊羅張門外愁看雀采索  
他家欲望梅安邑片肝誰是累中丞立馬幾曾來孤帆江上



春天暮回首鄉關眼倦開

五更三點戴星馳為報督郵入境時今日晝眠春睡穩不嫌早起  
放衙遲題詩解合尋婢子說法禪疑問老師吾道久併人共  
棄蕭條擬向北山知

清白無慚對太空一錢不復處囊中焚巫有計思平糴返火多  
奇更謝風子弟拋書看  
落親朋惜字慰途窮柴門寂寞須  
長閉春色隨人到處紅

和林閨秀走馬燈作

夜來烽火望空明鐵騎微茫靜裏行魏博軍中無葉隊

橋屯上斷人聲喧呼盡向邊關震金鼓虛傳塞外情春色滿

城兵氣靖烟塵何事暗相驚

林閨秀集有戲以雪為牡丹感賦

素質疑傳自洛陽一枝  
放洩春光明上苑初無色風入梅花

別有香富貴場中心獨冷紅黃隊裏品誰當眾芳濃皆落

向日微、暗斷腸

烏牌

福建葉子謂之烏牌又謂之賞結牌比馬吊少萬與千二

水泊英雄妖氣收名圖一葉亦尋簪六花埋伏爭分地八面馳驅  
展壯猷結隊出奇看後勁賞功破格藉先籌不愁吊去連環

馬萬騎千羣任自休

贈趙思遠

趙生苦學問真筌傳註精神仔細詮辭匪尚惟多在達鋒欲求  
正不須偏推陳選出清新調蹈實休成斷爛篇多買胭脂輕  
着筆汪何秘本少鑽研

綠雪園宴集看桂花

名園秋色暗相催異種移從雲外裁素影婆娑宜伴月幽香濃  
欲欺梅飛來點點侵書幌細入微醒酒盃正惜孤芳採落近幾  
回招隱向巖隈

賦得

御製芳辰麥隴布風和

凍解陽回天氣新平疇綠浪早迎春娟娟弱柳低舒線恰流  
鶯巧向人羽蓋輕飛斜素影翠襟微曳颭紅塵  
宸遊欲奏虞絃曲草色青青帶露勻

贈醫士

六疾深沉欲諱時杏林千樹正威蕤引年未帶參苓籠却病爭  
傳金石劑肘後有方看獨秘目前無恙莫相疑河魚不鮮尋山  
鞠畜艾何如覓五絲

負逋受累文致火獄薄徵期會殆不可救典試周譚二同  
年暨邑中舊好諸君倡捐義助代輸急逋同門施愚亭明  
府慨成其事上報論減未遂生還已無死法賦謝三章

玉尺新題太史名更聞啓事澈水清昔年車笠雖同調今日雲泥  
久絕行翰載急呼將伯助脫驂先見解裝傾慚無司馬交遊叢古  
道何論數漢卿

明公新政化如神花自清芬鶴自馴我已慚舊令月多君  
薄古賢人西江涸轍無乾鮒東海驚波有縱鱗雲雨交情紛可  
歎相期深覺寸心真

密網新開乍變更覆盆不敢望廷平貨殖有傳誰堪讀投止無  
門抵自驚厚祿喜看先車義推甘重感故人情賜環冀待三年  
放荷戟還同一葉輕

紅梅

瑤臺舊事紛無賴東閣凝粧別有姿故買胭脂酬俗眼巧將濃艷  
耐人思全欺積雪饒他淨散作餘霞到處披若傍孤山新氣色  
金甍碧瓦正相宜

白梅

漠、幽姿冷尚濃素心長對隴頭峯月明靈苑寒疎影雪滿

孤山老舊容玉笛暗吹花未落水壺斜插態方慵異香不解偷  
韓壽汚粉何曾賦遠蜂

聽霜岩和尚說法因登蘭陰山

危峰三面俯長流小築禪房歷十洲白業幾銷石壁夏梵聲時  
帶素濤秋天花刮眼開金篋龍樹傳心點石頭病渴欲沾曹洞  
水頓教大地不生愁

獨立高崗望不窮岩堯如掌豁然空山連嚮婺寒斜日水會滄  
江散暮風枯樹故浮平野外輕舟微漾小波中廬峯面目紛縹  
渺指點虛無對遠公

和陳軒年原韻却寄

徵逐深慚彼一時呼盧煮酒夜何其一行作吏辜人望萬死猶  
輕只自疑流水有情縈客夢浮雲無賴借天知黑貂欲弊懷  
蘇子六印何由慰素期

却驚垂翅青冥中牢落深悲吾道窮斗氣微茫寒劍水秋  
江寂寞冷龍宮曼曼城留滯銷閒日幕府蹉跎聽晚風聞道將軍  
非好武馬周封事早稱雄

立春後一日郭宗王徐雲騫小集和徐雲騫原韻

昨夜春回冷氣收登樓還復滯荆州生憎梅蕊衝寒盡怯聽羣鴉

噪雪遊藉有稀紅留客醉何須大白倩人浮蕭然坐覺饒幽趣雲  
淨天空水自流

寄懷何必古非今濁酒清談日未陰旅泊不堪遲暮景踈狂欲  
放短長吟林宗鳳舉離籠養孺子鴻飛遠陸沉正喜二龍方並  
駕况聞白雪惠來深

贈醫士郭遠功

南渡衣冠獨擅場家懸溫國舊青囊千金秘濯池中水三折  
工垂肘後方香閣春回看續命深閨日永起鮮粧宋儒空有  
薪傳在絕業誰如墨守長

咏牡丹

伴愁無那藉名花濃艷新移映絳紗乍覺羽衣翻舊譜徐看  
蕊頰鬪鮮華嬌疑中酒凌風弱嫩入含羞倩葉遮一自馬嵬魂  
去後黃昏閉月影孤斜

和葉蓼庵見貽原韻

愁城獨坐賦幽居咄、空中祇自書天際孤雲閒入座窓前春  
草欲生除漸添白髮身將老強為蒼生願已虛日暮登樓頻  
悵望北山應有笑人踈

風塵荏苒傍名都東濕非宜肯破觚憂國賈生空上策許身

杜甫拙陳謨一枝暫借還留滯三徑時開半就蕪欲向仁山尋絕  
業中原文獻足徵無

高士新編愜素心風雲花鳥摠佳音揮毫敏捷神俱玉用意幽  
竒興倍深目短宋元分雅鄭胸吞南北別高沉琅玕滿把盈懷抱  
乙夜焚膏仔細吟

蒼然古貌野人衣萬卷藏胸可療饑揮洒縱橫多益善精靈才  
力老相依投來白雪清新絕坐對光風鄙吝違幾度問竒愁  
索寞推敲不自嘆知希

畫溪舟泛

一曲迴溪浪不生小航微漾同興清岸舒弱柳攀條近棹沸流  
萍點水輕歷々村烟寒遠樹蒙々日色隱孤城杳然匯出江源合  
直向錢塘跨海鯨

輓盧白山併慰陳子宏

盧乃陳婿

少年落思動諸公籍甚才名浙水東宣室夜寒憐賈誼入關  
秋冷泣終童樓成有作驚天上魂去無留返夢中慟哭錢塘江畔  
月怒濤添浪溢悲風

昔年踏雪訪江樓鶴氅神仙興自幽正憶吳山看立馬忽驚飛旆  
送歸舟少微星隕傷人世寶婺城深首丘惆悵東床虛禁鬱

丈人峯冷迴添愁

贈桐廬丞連旬若

十年吏隱傍風塵倚樹沉吟意自真莫以才名慚署尾  
將經濟伴閒身雲山蒼莽懷高士灘瀨欽礪識異人  
枳棘飽棲六翮舉碧梧遙見一枝新

客桐江書院

連山不斷水為城木落蕭蕭客子情柿葉染霜稀  
小翠秋蟲入夜巧多聲破愁欲借雲長伴緩步行  
看鳥自鳴早晚黃庭清磬寂息機何事問浮名

翩翩仙吏自風流講院初開帶笠丘共道文翁能化蜀  
空餘玉粲獨登樓梧桐半落聲誰嗣桃李新栽草又秋  
滿徑蒼苔荒屨跡問奇長有白雲遊

登桐君山寺

桐君高隱故忘名採藥山中九轉成不謂桑田曾幾變  
至今仙跡尚留聲風搖樹杪松花落日漾江光水氣清  
無教羣峰同一覽見孫林立自崢嶸

崑堯古寺傍雲開絕磴松風送客來二水襟連趨海曲  
千山翠疊擁花臺日移塔影空庭靜霜冷楓林萬壑哀  
縹緲只疑

煙霧裡致身福地愧仙才

客桐廬得內人病問歸途口占

縶縶相隨二十年承歡委曲畫堂前  
牛衣暗灑茹荼淚象服虛稱集菟篇  
貧病那堪齊肆虐參苓有效待親煎  
孤帆夜發愁無寐坐聽鷄聲促曙天

痴兒無計一緘傳之子何辜二豎纏  
讀罷寸心愁欲折歸來望眼苦將穿  
石尤有恨翻相值少女隨人亦自偏  
寢處不遑天問迫幾回搔首盼長年

贈黃子樂先生

轉輸直度塞雲秋已勒燕然掃國憂  
岳老馮唐傷議吏數奇李廣謝封侯  
九閣日月憐孤憤一卷烟霞伴壯遊  
常棣紫薇相映發春光肯為故鄉留

升沉不必問君平讀罷新詩百感生  
強項支離成鍛鍊折腰潦倒失經營  
摩空俊鶻窺天遠歷塊轉駒仰秣鳴  
慷慨朱家邂逅晚青雲得附見交情

送陳允慶內弟回閩

允慶以弟內人喪來

憔悴鍾情淚已潛臨風况復別離艱  
九原憶弟無歸路十載思君有遠山  
樽酒對愁饒隻影片帆分袂惜開顏  
將雛莫賦渭



陽曲哀思悠々帶水潺

黃方伯行實圖卷題辭

髮中冓札血痕鮮早識忠良計萬全規國苦心籌事外奪人勝  
筭仗機先欲知虛實中軍秘更有披陳後命傳信使一行神鬼泣  
策勲應與繪凌烟

傾心反正早成言坐失機宜見覆盆一死豈能全國事九原猶自  
負君恩已山草滿纏幽骨湘水春深冷夜魂天意欲規盤錯利重  
教再闢一乾坤

題雙鹿圖

倦逐中原犄角收姑蘓臺畔老松楸柴門日暖甘陰伏石洞春深  
縱卧遊林迥無虞看遠害萬長有伴聽鳴吻羞將聲價憑呼馬  
莫使陰晴幻作牛

和陳軒年淨土庵觀牡丹原三首

盈溪習々激江蘭富貴何孤讓牡丹正好乘春開次第可堪宿  
雨妬摧殘遠香淡去風能入嫩色嬌宜酒共看寂寞瑤臺虛夜月  
一枝幾得對君歡

沉香亭畔舊名花異種傳來點物華慣倩踈枝添媚眼不貪  
結子澁酸牙臙脂欲買渾無賴蜂蝶頻探且趁他欲向上林西

春色含烟先銷老僧家

姚魏叢中孰是王  
驚傳傳粉有何郎  
名花肯作窮愁態  
絕品偏宜淺淡粧  
自有色香遺淨土  
不教雲雨怨昭陽  
麥風遠送催歸去  
乘興還循隴畔行

遂安陳明府秋日招遊語石庵再成近體二首

秋淨庭虛白日閑  
探竒有約問名山  
舊携屐齒登高穩  
乍息禪宮把俗刪  
村郭盡從雲外見  
桑麻猶帶雨中顏  
攀躋仄徑追尋遠  
數徧岸石色斑  
從遊多士盡翩翩  
對酒清談逸興妍  
先輩一燈留古寺  
後賢萬

卷見新篇淺深山  
色嬌如畫明滅波光淡  
似烟野趣只愁看欲盡  
幾回搔首夕陽邊

遂安詹晉卿及第宋孝宗賜詩有桂<sup>林</sup>爭占一枝榮之句

陳明府試士拈此命題賦體湯成四韻

上苑名花出禁中  
天香縹緲趁秋風  
早看靈隱栽培異  
好試吳剛斧鑿工  
八柱種分仙客業  
三春英發狀元紅  
小山莫寶淮王賦  
炎德南州正鬱葱

陳明府為汪歲星先生立後奉祠詩以紀之

出關一死等鴻毛  
斷舌身殲義自高  
趙壁有人觀鉅鹿  
秋風何

處泣陳濤史臣筆謝韓通傳故里魂招屈子騷獨幸表忠由  
一綫衣冠重薦舊美笔

遂安反棹余含章闕于面別書懷却寄

鳳雛綯練羽毛新神俊雄姿迥出塵作賦陸機驚晚歲陳思賈誼  
謝青春文章肯讓諸名士聲價居然第一人珍重元龍湖海意  
碧山萬卷正須親

論文來往信風流惜別空將望眼留語石松聲猶謾柳山日  
影故悠一天白露橫秋水滿眼青楓送客舟惆悵阿戎兼伏  
枕教峯江上倍離憂

家西受亦以  
姑蘇未歸

登八詠樓

巍樓獨抱郡城隈曙色烟光望眼開萬壑悲風侵座冷雙流溪  
水帶舟迴星移婺女平臨迥峯轉金華次第來回首那堪  
吟八咏浮雲片片使人哀

題項學韓小影

龍鱗排幹幕蒼天不盡濤聲到耳邊四面嶙峋皆老丈一編秘  
畧得真仙達觀靜處塵緣滌引滿浮來逸興翩名士風流惟  
痛飲疎狂何必謝青蓮

戊子除夕

處泣陳濤史臣筆謝韓通傳故里魂招屈子騷獨幸表忠由  
一綫衣冠重薦舊美笔

遂安反棹余含章闕于面別書懷却寄

鳳雛絢練羽毛新神俊雄姿迥出塵作賦陸機驚晚歲陳公賈誼  
謝青春文章肯讓諸名士聲價居然第一人珍重元龍湖海意  
碧山萬卷正須親

論文來徃信風流惜別空將望眼留語石松聲猶謾之獅山日  
影故悠之一天白露橫秋水滿眼青楓送客舟惆悵阿戎兼伏  
枕教峯江上倍離憂

家西受亦以  
沾恙未釋

登八詠樓

巍樓獨抱郡城隈曙色烟光望眼開萬壑悲風侵座冷雙流溪  
水帶舟迴星移婺女平臨迥峯轉金華次第來回首那堪  
吟八咏浮雲片之使人哀

題項學韓小影

龍鱗排幹幕蒼天不盡濤聲到耳邊四面嶙峋皆老丈一編秘  
畧得真仙達觀靜處塵緣滌引滿浮來逸興翩名士風流惟  
痛飲疎狂何必謝青蓮

戊子除夕

十載支離飽苦辛，艱難怯見歲華頻。  
拙寧如我甘為拙，可到今年始是貧。  
俯仰死生皆有恨，委蛇身世兩無真。  
數盈少反時，天道午夜沉吟發興新。

己丑元旦

鳳曆初開四八年，一人有慶樂堯天。  
銅龍輦路車相屬，昭應青詞草未宣。  
委珮從容皆燕衎，衣裳顛倒久迤邐。  
遭東南大澤多優渥，湛露春風次第傳。

訪霧岩上人留贈

卓錫蘭陰歷幾秋，荒林古剎鬱然幽。  
一泓清淨澄禪味，雙樹婆娑澹遠憂。  
佳景疑從天外出，遊人莫向關中求。  
開山更見廬山遠，說偈還聞絳白牛。

輓王宇乾

天壤王郎信甚儔，芳年淑問足風流。  
驚波共逐兼全禮，滅性相從只報劉。  
正憶朝中多行舉，忽傳地下有文修。  
金刀掩夜傷琴絕，宿草萋萋起四愁。

惟逸上人招同蔡汝才林善夫集聖壽寺看牡丹二

首

古剎頻過興未休，相逢惠遠話綢繆。  
花迎客座晴初艷，石

入禪關賞自幽和清新詩多湯賦君謨舊譜正堪修  
眉應許添斟酌國色朝酣好勸酬故才怯飲故解之  
名花不與俗爭榮故傍祇園得上生帶雨依徊偏有態迎  
風含笑語多情似曾解語香留贈無可相酬句湯成句遍  
經過看不厭幾回顛倒逐愁城

客壽陽寓家六書問梅居有作

青繞羣峯翠繞城吾宗別業舊知名玲瓏石透嵌山險濃  
密枝低過鳥輕春晚倚風扶麥隴夜闌帶雨聽書聲富文  
樓下聯花鬢解榻何慚阮步兵

題吳卉長明府小影

調鶴奚童秀可憐主人逸興自翩翾故拋書卷長松下笑正  
衣冠瘦石邊有夢意難忘赤壁當軒聲欲叫青天浮瓜裂  
餅糧時飽好伴瑤琴出漢川

送陳載皇歸將樂

趨庭寄跡古鏞州學步時登百尺樓三十年來猶夢寐二  
千里外更綢繆激江日永聞新調玉洞秋清憶舊遊早晚隴  
頭花信發相期同上木蘭舟

題雪浪和尚出塲梅花畫扇

山僧禪定墨方濡，奪得冰魂上畫圖。似向東鄰窺宋玉，早從寒夜伴林逋。全身掩映粧濃淡，半面依稀影有無。驛使莫將輕折贈一枝，漏洩欲教扶

賦得天香雲外飄，兩浙黃中丞課士題

細、浮來韻不羣，心清遙向靜時分。空中縹緲曾難駐，山上氤氳若可聞。滿把游絲虛映日，頻携綵袖冷晴雲。人間煙火渾無賴，何事蘭膏竟自焚。

同藍公漪燕集齊萃公海舶談及倭市事

四明狂客獨登樓，草次盍簪興自幽。履險不虞乘海舶，凌虛

擬上泛湖舟。長天日暖魚龍靜，美酒盃飛琥珀浮。隔岸霜楓還入眼，晚潮風急欲生愁。

慷慨曾思泛海遊，談來近事不禁愁。防閑苛政淫秦法，束縛羈

人滯楚囚。跋扈長年猶按劍，銷魂三板備持矛。倭中娼婢名三板教

傑升木終無策，破浪乘風早運籌。

贈鄞邑毛明府

十年治績壓西江，舊譜移來泣海邦。赤堇春深馴有雉，武陵花滿吠無厖。程書不懈南山筆，檢牒長懸午夜缸。應識御題姓字東南治，行更誰雙

代令君憂旱作

火雲爛漫滌山川  
隆暑炎曦更赫然  
焦嶽遠觀連赤地  
明星長望仰青天  
疇未起寧堪暴  
巫祝紛陳不可鞭  
六事自將勤省已  
恪居何以告無愆

農節方興苦未勻  
密雲空自望高旻  
焚山烈焰焦蛇虎  
擊鼓喧闐泣鬼神  
瘡癘鬱蒸憐道暍  
瘡痍倭俯拜前塵  
夜長露坐瞻牛斗  
延佇青光氣候新

代作憫農

淫霖散漫動經春  
入夏愆陽過二旬  
規土早悲禾有耳  
瞻蒲

何處隄為圯  
平疇地圻餘  
青草南畝膏微長  
白蘋日暮登

城深悵望焦勞  
社稷正佚

植物蹉跎半已空  
決渠猶自竭人工  
哀鳴欲起溝中瘠  
祈請難通應上公  
白日晝移奔稚子  
殷雷夜過走村翁  
滿畦破塊枯黃稻  
旅伯悲吟向晚風

代作喜雨

忽見浮雲四面低  
更聞風伯復奔馳  
何當如燬方  
炎日竟有為霖散  
足時盈野  
謳吟齊上下  
連城歌舞欲提携  
廣畦禾黍萃  
秀飽看紅鮮  
玉粒滋



葉上初聞酒欲醒紛：迴灑滿郊坳如絲未散終朝潤滴雷  
偏宜永夜聽時記老翁應作賦功歸太守自名亭懸知大有  
頻占歲擊壤風傳徹御屏

代作祈晴

愆陽頻歲苦相侵首夏連綿見伏陰石燕數看飛款：商  
羊猶自舞深：滴堦飽入愁人耳承溜哀生文士吟濕透鐘  
聲長不寐幾時窓外聽鳴禽

日：吹珠望麥秋蒞畦春水欲平疇兩岐早擬崆峒熟九穗  
虛看霹靂收珮璲有情悲杼軸繭絲無計緩徵求竭陳

圭璧勤瞻仰雲漢昭回足解憂

遂安重校

聖廟紀事代

聖朝文治重宮牆壯麗遙分捧 御童 豈山城遺古殿那堪蔓

草鞠周行公餘勉留清俸次第經營到講堂式廓漸增

看習禮青芝長自秀煌煌

大成殿卷長青芝  
數本今留學中

壽昌毀青龍塔紀事代

高標龍首歷長岡王氣潛消借育王梵教有靈穿地脉文  
光無燄破天荒重頌父老條陳切豈待形家制勝方拔去古  
錐神亦助四圍麥隴正彰

土人名塔為古錐塔倒正當後山空  
處四面田坎無損人以為有神助

贈周聖俞登第

彤庭日暖五雲高射笑新傳賜錦袍  
燕領早聞推厚重雀門頻許飲醇醪  
吟成競病諧聲穗戶閉松筠逸興豪  
預擬勲名清瀚海騰來天馬醉葡萄

贈邛州牧鄭爾簡

聖朝作牧重循良御筆親題出尚方  
東國已傳葉韻遠南邦初見福星光  
蛟龍馴擾開桃浪鴻雁歸飛足稻梁  
卧治早關心似水復許聲應向帝庭颺

贈武進令殷永城同年

蓋榜曾魁第一人鳳皇池上沐恩新  
聖朝德意優江左茂宰親題屬近臣  
零澤洪波隨化日蘭陵佳氣盡生春  
莊荒陸氏齊名忝竊愧後塵

贈吳令廖瀛海同年

當今治績孰爭先茂宰神明衆共傳  
鄧尉山中深駐鶴姑蘇臺上熟聞絃  
已看盛政稱三異自有徵書下九天  
惆悵一莊荒陸氏齊名忝竊愧後塵

客姑蘓三山會館二首

宮殿凌虛結構竒天然形勝阮江湄  
連拳磊落山嵌石如掌

平浮水滿池明月夜寒飄桂子瑞雲日暖長青芝蓬萊自  
是人間世縹緲遙聞絳節移

高會堂中駐客旌寒齋瀟灑絕逢迎靜觀止水遊心遠坐  
對閒雲逸興清梧葉掃塔風自舞芭蕉承雷雨添聲登樓悵  
望吳山渺霜染楓林點眼明

姑蘇天妃宮恭紀

顏風鼓浪日無光鼉作鯨吞暗入荒三老長年空嘆息鮫人  
佑客正悽惶神燈何有疑相引野鳥無端忽自翔排幹乾  
坤分帝力聲靈真可配穹蒼

共傳仙蹟類曹娥孝女精靈久不磨驅策石尤捐颶母鞭箠  
海若靖龜鼉通漕禮秩崇禋祀盪寇功成荐象犧銜尾艤  
鱣窮息嶼更憑昭應涉風波

肇洛神宮煥帝京東甸處各岬嶸姑蘇傑構凌雲出閩  
海英材不日成金碧莊嚴千載肅山林泉石四時清衣冠雅集  
敦妯媵降福枌榆祀孔明

麗水陳子宏過傳戴以經別業雪霽招飲賦贈兼呈以經

蘭臺躡屐怯風飄坐對寒江雪已消客子畏人愁載酒佳賓有  
句早相招長吟雅羨登臨趣盡醉應知逸興饒船火星天一

色憑欄高處逼雲霄

莫從飛鴈問詞源終日狂歌只閉門  
開徑欣逢羊仲駕論文傾倒孔融樽  
已思昨夜瑤臺景彷彿他年綠雪園  
痛飲縱談今昔事騷才應有續招魂

高樓百尺渺雲煙為卧元龍解榻懸  
一曲江流隨座轉千家山郭向城偏  
綠移竹色寒敲影紅入梅花雪綻妍  
訪戴口愁歸棹晚醉翁舊識主人賢

擬恭進六十年

萬壽五七言律各一章

寶曆新開五紀周更看瑤島復添籌  
後庚朔改青陽布太甲雲高紫氣浮  
天馬遙從西極下碧鷄深向上林遊  
鏡歌並奏南山曲重啓昌期億萬秋

代輓宋母管太夫人

林下風傳屬大家齊眉名士兩繁華  
班姑禮法儀三宋孟母義方副六珈  
作主表忠修俎豆題輿錫號應袞裳  
夫人舉長居分守公有袞

淡降生之夢

女宗鍾却流芳遠紫誥尊榮自不賒

厚德休徵百福長孝廉祠宇早輝煌  
三珠舞綵挑千寶四葉承歡笏一床  
東國泉流開地脉北堂萱色映天章  
忽看寶婺

沉光影為廢蓼莪慰感傷

章範山先生小園觀白牡丹回惠佳醞併詩走筆和韻  
玉尺冰壺聖世珍丘園高養自全真不貪濃艷齊傾國早羨  
清芬占曉春韻事詩成青瑣客兩餘酒送白衣人洛陽富貴  
知多少幽賞偏慚到隱淪

元夕遂安觀龍燈

紛、單里各經營火樹星橋處、盈十斛明珠齊的礫千尋  
白練任縱橫翻來雪浪兼天湧噴出銀濤接地行正恐豫且  
多俗眼故將鱗甲數淨燥

盤空天矯勢依稀照爛天門正欲飛戰野且思聯火隊逆鱗  
不自怯炎威動搖星漢寒潭影吞吐烟雲靜夜揮當道漫疑  
白帝子挾來風雨足忘歸

組練連圍望似茶火攻長策勝阿奴周郎計就舡猶繫李  
愨功成雪正鋪六伐止齊思挾纊五花變化欲驚烏漸看破  
壁飛騰上攀髯光流萬顆珠

贈平陽令王升揆

江左風流屬大家烏衣重向畫堂斜文章早看題銀筆  
字應籠在碧紗良會恰衝三徑雨新猷遙映一庭花東甌貞

觀饒丘姪麗句須傳厭永嘉

贈開化張敏公昆仲

三衢佳氣鬱青葱  
京兆才名冠浙東  
藤紙題詩敲好句  
金溪泛月趁春風  
霜蹄預識龍種秋  
駟遙看鴟路通  
把臂幾時輸契濶  
文傾倒一樽中

重望還同席上珍  
西京詞賦筆如神  
早知脫穎稱佳士  
共羨颺廷應國賓  
光繞獅山聯鳳好  
波通鯁沼接芳鄰  
蟠桃花發穠成錦  
潭水悠思倍新

寄陳嵩山

早聞破浪運良籌  
建節登壇冠八州  
度嶺梅花遙對雪  
金城楊柳動經秋  
臨風緩帶思羊叔  
感象將車識太丘  
聖主恩隆元老日  
東山絲竹豈淹留

贈鄭瑞三

帶草垂垂到處芳  
家傳治譜紀循良  
解池綠見恩波滿  
浙水重聞惠澤長  
國計頻煩籌煮海  
邊儲全自足通商  
妙才早有調羹用  
識履聲宜達尚方

贈星士

我生有命信如何  
為問虛中識得麼  
財王生官令若安身

弱逢叔且由他神峯謬說終難闢果老星躔亦漸訛潦倒漫  
尋路球子妄言妄聽當狂歌

贈蕭山呂亦上明府

嶺南花發越城東長望蕭然氣鬱葱北海塘頭深澗雨西陵  
渡口不驚風已看盛政傳三異自有褒書答九功為憶龜山新  
治譜十年回首倍恍恍

送褚廣文之任四明

季野才名冠一時橫經廿載擁車皮蘭陰桃李花成錦澗水  
梧桐月滿池五鳥早飛惟久駐三鱣欲兆席先移鑑湖秋色遙

相憶樽酒論文正繫思

諸生郭宗玉腹笥便、好用經語組織成文於其四十  
初度戲以經語集近體一章代祝

禮稱四十曰強仕莫以無聞畏後生六藝纂修兼學半三冬  
游息早觀成多文為富圭璋重有穀詔謀丹蘄明壽考作  
人冰未泮觀光叶聽鹿呦鳴

來春二月復行鄉試

寄洪龍吉

獻賦頻年動帝京迎門到處倒公卿五陵裘馬豪華猶  
三徑松筠興自清鴛水忽聞歌古調獅山遙擬續前盟

雲不盡流佳思欲借桃花寄遠情

贈長洲陳明府同年

早年同譜識元龍廿載交期憶濶蹤  
表海已聞循吏傳渡江又喜故人逢  
發劔妙手看三異題柱高名動九重  
正好姑蘇臺上月揚輝遙映越山峯

雨晴過嚴近五齋頭小飲尋金海門不遇疊成三首

曉起驚聞鳥語忙重陰喜復見朝陽  
不愁沾濕迷花徑為報新晴問草堂  
玉屑好蒸鱸子白金膏滿擘蟬中黃  
清談小飲頻回首恠爾先生何處狂

炊臼傷心永夜忙寄愁曾不問阿陽  
饒他俗眼誇金穴看酒清名羨玉堂  
楊柳照堦搖月白蒹葭平水帶霜黃  
袖中新句知誰贈繞路行吟興自狂

清齋相對且觀忙斗酒留賓勝紫陽  
問字頻過楊子宅題詩欲遍浣花堂  
籬邊老菊殘深綠江上青楓間淺黃  
三徑獨逢羊仲跡由來阮籍自猖狂

金海門偕猶子漢倬相過值連雨闕于拜辱再疊前韻

君家小阮讀書忙年少應知重洛陽  
豈謂翩翩公子騎狂臨臨落野人堂  
連朝雨足迷天黑到處塵飛滿眼黃  
難向桃源問



消息老夫深覺太踈狂

金海門過訪外出不過三疊前韻

歸來顛倒逐人忙  
爛醉如同在岳陽  
聞道琳宮空閉戶  
漫勞玉趾自登堂  
百年持戒食無墨  
海門法內味是日入值齋期  
三月行厨盡有黃  
莫謂主人深避客  
子猷高致正清狂

過金海門齋頭得小菊數盆仍疊前韻

尋花久與蝶同忙  
恰是春生值小陽  
寂寞數枝留淨室  
輕盈幾朵入華堂  
菊自僧寺移來  
放歌清興添浮白  
嬌鬢濃粧伴點黃  
巡索東籬那可采  
早拚五斗也非狂

同金海門訪其令姪漢倬仍疊前韻

野岸江邊路不忙  
冲和遺蹟繼純陽  
迎人淑氣連書幌  
好我深情款畫堂  
別意乍添橫露白  
時余將有  
佳期相待正槐黃  
南金不數崑山圃  
片玉遙看發興狂  
漢倬將往崑山應試

讀金海門輓陳祥甫文有感疊前韻五首

若將錢癖為誰忙  
金谷園中見夕陽  
紅粉已銷明月夜  
青蠅相對錦衣堂  
同心誓斷烏頭白  
長恨歌殘鵲影黃  
燕子樓前空悵望  
舊巢何處逐人狂

金彈丸飛雙翼忙  
承恩舊寵勝平陽  
玉釵半彈珊瑚枕  
珠履



當道豺狼膽亦忙  
曠靈終不掩孤陽  
早知獨鶻搏丹陛  
定有三鱸兆講堂  
市虎那能移白黑  
貫魚未許戰玄黃  
知人聖主民咸服  
豈但全吳喜氣狂

聞張天門同年移居毘陵青山莊訪之尚未至因得縱觀園

林之勝仍疊前韻

燕、深閨且未忙  
輞川空閉對斜陽  
源頭活水通花逕  
戶外青峯帶桂堂  
華子岡前雲起白  
鹿門山下葉飛黃  
燕公自有如椽筆  
待取新題我狂

咏泥美人五首

傳聞后土有夫人  
素質仙、似洛神  
南浦傷春心自冷  
西廂立月步無塵  
削成弱體珊、骨瘦損  
纖腰點、唇未慣  
避人看出浴不堪  
香汗濕羅巾

濃雲膩玉映明璫  
脉、深閨久斷腸  
妬女津頭猶有恨  
小姑江上已無郎  
馬嵬夜月秋風靜  
青塚黃昏春草長  
髻髻珮環且帳外  
祇今一夢悞萊王

盡日濃粧伴阿誰  
沉冥長似學相思  
乍驚嗔喜宜嬌面  
豈以煩愁上翠眉  
西土願生常辟穀  
東鄰無意莫題詩  
鶯啼未

醒遼西夢柳色窺樓總不知

阿堵傳來未得神若為情死也堪嗔無心漫把柔腸繫不語空  
將媚眼親那得如生添畫類但思有我更分身寂寥相對孤燈  
下脫畧形骸莫認真

吹氣如蘭竟邈然掌中歌舞教誰傳望夫石上銷魂久金谷  
樓頭墜粉鮮傾國那愁羣女妬入宮何倩人憐碎身強欲酬知  
已弱草微塵取次妍

效疊字體書懷

日、、長何所事閒、、殺幾多春星、、髮饒繁、、

逐貧老一身去、、來荆載路行、、盡世無人高、、望青

山外樹、、頭雪又新

萬壽開科代浙闈同考官作

維 皇歛福慶垂裳南極星輝照萬方金鏡共看傳令節珠  
宮重見煥文光風雲作觀元策日月升恒天保章后土汾陰聊  
盛事作人壽考永無疆

不待喬松學引年欣看 聖主得臣賢雄風大振騷壇幟絕學

重開閩海典注學士楚人天南國參苓皆入籠西湖花柳正爭妍

金莖雖有仙人露何似盈庭玉筍鮮

中丞駁弊久如神鎖院掄材氣象新  
席帽同升聯國士粉袍紛進搃  
嘉賓暖風桃李爭舒艷朝日梧桐  
早占春萬舍含毫催午夜光銑遙  
應燭星辰

風塵忝竊備文衡刮眼澄心祇自  
盟茁軋漫將誇綺麗徘徊優未許  
貌新清流沙做儻搜神駿碧海波  
濤掣大鯨甘露絲囊慙莫獻高岡  
梧鳳許同賡

贈孫彤友潤叔兄弟

使君治績記當時喜識雙珠慰所  
思杞梓共推南國秀驊留爭羨渥  
洼竒投來白雪歌且雅好去青雲  
世掌絲老不才冬

毀棄忽聞古調益凄其

送葛廣文之任

量移無改舊羶寒猶勝蕭條戴楚  
冠十載頻煩青玉案一朝長惜寶  
雕鞍括蒼秋色行方早激水春風  
坐未闌牢落故人今又去數聲鴻  
雁別離難

遂陽八景詩 并序

攬勝搜竒乃幽人之韻事登高賦  
物亦名士之清風環遂皆山閉門  
即是依人作客着屐為艱願戶  
外見孫未能繫為領畧而胸中丘  
壑差可稍置品

題各賦一章均成四韵望十錦之盛事勝謝湖西採八景之佳名羣空冀北云爾

五獅隱霧

屏幃朦朧晝欲昏在山長似閉柴門坐看豹變棲巖隱定有潛龍帶石蹲握玉烟鬟迷錦繡妬羅雲幙護兕孫依稀疑入公超市五老祥光擁樹根

六星春漲

清溪如練抱山城浪泛桃花帶月生鳳港滄波翻地軸龍津怒石捲濤聲稽天一柱分仙掌挂斗三台接玉京款挽帝羔鞭海若

復陂黃鵠定誰爭

語石雲晴

石逕嶙峋接上方氤氲佳氣曉蒼松聲遠滌千家暑竹影平分一院涼携去滿囊宜贈客浮來過水欵生香定看紫磨成文彩無待銀花現佛光

發峯雪霽

語石庵本姜京卿方太史絃誦之所今委諸僧徒無有繼其盛者

昨宵發女散天花冷絮輕瓊發艷葩寒入朝光浮積素晴隨暮影映流霞削成玉柱凌空峭宛見冰山對日斜猶有蓬門僵卧士莫教釀賞黨姬家

乳洞漿凝

何時仙子駕長虹化作雙龍古洞中  
刻畫乾坤留色相鑿鑿  
混沌闢蚕叢醒醐一粒千村雨  
薪火三秋萬象工試拍洪崖問  
消息點頭無語石玲瓏

靈巖珠瀑

千尋危石咽流泉散作銀河入九淵  
日色纔臨光灑灑午風  
初過舞蹁躑一行紈素看齊潔  
百斛珠璣訝許圓靈窟最  
宜高處覓源頭活水只涓涓

樹聲鐘曉

金奏聲宜午夜聞  
噌吰遙度嶺頭喧  
歌殘竹夢霜初冷  
喚醒塵心月正紛  
藜閣伴書催火燦  
樓在五獅書院之左  
樵漢隨漏帶更分  
或來白鶴傳洪亮  
猶有名儒識古紋  
鐘為元道士所鑄方蛟峯先生有銘

琅瑄松龍

寂歷空山足避秦  
飽餐煙雨養龍鱗  
虬枝爛熳將軍蓋  
霜節支離老叟身  
隔水笙簧風入慢  
懸巖琅瑄玉為隣  
輪菌樾蔭垂終古  
莫艷成蹊桃李春

白菊花

幽姿淡々待秋生  
玉帶瓊花浪得名  
月滿東籬迷嫩色  
霜凋

老圃妬殘英，縞衣欲結仙。姬珮皓首，宜稱壽客。觥最是素心，深避俗好。隨送酒伴淵明。

並蒂蘭

浥露迎風，早占春猗娜。芳氣最宜人，欲賡雅搯交和。切解結同心入夢，頻幽谷有情堪共隱。當門無恙，得相親沅江不待思公子，攜手雙、款語新。

幽姿空谷，理成連艷。殺芙蓉俗殺蓮，獨趁遊蜂深點。雙飛蛺蝶翩，臨風遠送憐香伴。解珮分投，妬水仙共縮芳心。春色晚，淡然相對，落花天。

斗室含香，氣並清驚。看雙美態縱橫，斷金有利諧歡約。枕玉相邀，索舊盟結珮同升。聯國士素心交，泱識芳名莫教中。谷愁陰雨，兩榭長滋九畹情。

贈江右劉阮

文采翩翩，早擅場家傳。大業繼蒸光，西山爽氣浮芝宇。彭蠡澄波挹度，汪投我新篇紛美錦。驚人佳句滿奚囊，相逢邂逅情多少。潭水桃花引興長。

贈衢州朱中翰

場中結客識朱家，文彩翩翩燦綺霞。薇署風光看泚筆，柯



山日暖暫停車深情遠挹寒潭水別緒新縈楊柳花應憶  
江東雲散後楓林幾望夕陽斜

代贈處鎮劉秩謙

翩翩儒將自風流坐鎮邊城歷幾秋  
巴巵謳歌雲外度括蒼烟  
雨望中收久拚雅量醇能飲何日披襟白共浮麟閣早開需燕  
頷黃公舊事許重遊

送陳集斯行取入都

相依異地得循良早羨登仙別緒長  
錦里中丞行入覲荆南王  
榮轉思鄉掖梧秋老鸞樓勝臺柏霜寒鷓擊揚幸際  
聖朝

無關事不忘四字報 君王

賦得為有源頭活水來 和劉秩謙韻

一曲澄泓照底明真源高處與雲平  
遍看月映圓皆滿始識風  
來坎既盈活潑涵空隨雨集周流絕壑湖天生臨淵雅羨方塘  
水咫尺光浮混太清

和廖瀛海芍藥詩原韻

獨留粉葉殿春開嬌面低垂妬淺苔  
薇省翻紅凝艷散釵亭抽碧  
暗香來四枝恰喜同遊賞十咏從教教  
往徇當御只愁無可贈  
風流誰繼楚王才

輓嚴年母翁太孺人

義方兼訓早稱慈，曾記題輿命時苦。  
海浮沉歸未得望，雲凋張浚多垂璫。  
衣久結闕山夢，總帳平添午夜悲。  
莫謂八旬躋壽考，百年遺恨正無期。

和魏儕鶴偕遊趙清獻祠堂原韻

懷抱逢人且自開，披襟潦倒共登臺。  
四山繞翠層，合二水滌波曲。  
隈花閉斜暉，翻砌葉蟬銜暮影。  
靜庭槐，告天清節空千古。  
莫問浮名誤酒杯。

臺閣梅

在樓閣中花開重臺枯而不落

只合空山老暗芳，豈知臺閣占春光。  
因風未肯隨輕絮，點額無緣伴曉粧。  
獨出素心酬隱士，重勻粉面對何郎。  
諸公袞之紛調鼎，幾許清芬得並揚。

垂絲海棠

綽約凌風態欲仙，驚看濃艷自天然。  
嬌同芍藥嗔他瘦，靜勝桃花較獨妍。  
宛轉太真初怯睡，低徊杜甫不成篇。  
休誇西府輕盈甚，萬種丰神倍可憐。

兩岸紅葉

搖落秋容澹碧空，停橈為愛四邊紅。  
不爭野艷饒春色，獨

向寒林耐晚風冷入吳江來韻裏魂歸楚客散愁中飄零莫  
遣隨流水猶恐輕傳出漢宮

嚴陵釣臺

先生光武之故人胡為垂釣向江濱中興百戰功誰定高節千  
秋氣獨振漠漠荒臺天地老悠悠流水往來新雲山蒼莽楓  
林晚醉把離騷讀幾巡

有朋自遠方來

魏鶴儕以所作四書題詩見示為擬作五首

索居非必嘆無人千里相思自有真問字轍多需我友傳

經屨滿盡為鄰雲連渭樹情方切望冷耶溪興倍新何  
事南村遙卜宅江干車馬正駢

賢：易色

由來我輩獨鍾情秋水薰葭念友生把臂久要予與汝素  
心長在我憐卿玉温未覺瓊瑤重蘭臭方知芍藥輕雜  
珮勝當彤管贈登徒何事解逢迎

亭予晝寢

何處傳來得睡方北窓一枕日初長壇前杏影移函丈社  
內松風起屋牆豈效曲肱輕富貴故尋周旦問行藏諸賢衰

來皆軒寢獨醒尼山也自忙

而有宋朝之美

睢陽公子早翩、爭識深宮羨少年我見猶憐真嫵媚君  
來相就若神仙車中菓滿招搖過園內桃甘次第傳獨恨  
婁豬猶未定更教中冓有新篇

齊人有一妻一妾而處室者

海岱豪華萬戶早看夫婿儘英雄總携靜瑟歡當御又見  
明星嚙在東綦縞綢繆閒永日閨房笑語藹春風衡門若  
假盈冠蓋長羨良人聲氣通

和魏儕鶴四時閨詞

首限雨絲風片煙波畫船韻限溪西鷄

雨水新添四溪絲、斜送六橋西風光暗度催黃鳥片枕沉  
吟怯曉鷄煙鎖陌頭楊柳嫩波搖隴上菜花齊畫裙空繡  
湘江景船去東吳只自啼

雨妬石榴欵漲溪絲添續命臂東西風流得意憐蝴蝶  
片刻偷閒闔錦鷄煙帶雲峯看幻合波沉荷蓋若擎齊  
畫成紈扇猶當御船酒無心向晚啼

雨灑銀河度五溪絲機輟弄憶遼西風高一丁趁凌晨鴈片  
檄頻催午夜鷄煙起蠻鄉隨水墜波騰瀚海與山齊畫圖

麟閣知何日船泛靈槎聽鵲啼

雨滿巫山雪滿溪絲長一線倚樓西風寒坐聽侵金馬片紙  
遙傳到碧鷄煙冷梅花迷嶺嶠波隨楓葉入燕齊畫堂砧  
杵催刀尺船火星伴曉啼

送宣平令魏儕鶴歸廣昌

括蒼煙雨暗蛟湖擺落風塵首不濡老去漸看非故我歸  
來猶得是今吾靜垂鼻比身皆易滿載扁舟橐有珠

儕鶴近宛心筮  
法兼刻有詩卷

獨恨滄江長索寞任教松菊久荒蕪

王川元夕和張銘軒原韻

火樹盈村動接宵隨人信步不須招近看開景多添興忽  
得清齋好避囂若下醇醪頻泛葉郢中佳句飽題蕉春風  
坐對移殘漏雲淡明河已轉杓

才名早歲重燕山歸隱松蘿手自攀戶外高山青四照  
點門前流水曲彎：金尊相對連朝夕玉案先投愧往還  
朗咏長風織未起空階吹散雨聲潺

過張銘軒別業賦贈二首

環山帶水讀書樓八景當窓事事幽金谷詩成傳已遍朝  
川題罷句難酬雲歸遠岫迷樵徑烟淡晴波沒釣舟四壁

珠璣沉暮色還思秉燭續良遊

著書閉戶幾多年種得名花已接天春意漸生香冉冉嫩  
芽待放翠芊芊、梅經宿雨姿猶韻桃欲凌霄幹亦妍綵  
筆應知題盡遍倚欄長待李青蓮

繡戶僧鞵菊和韻

東籬初放逐安排點綴金闈韻自住英落偶然遺隻履  
蔬開不羨繡雙鞋為嫌老圃閒行腳故向華堂淡映釵滿把  
禪機同翠竹雲門妙諦亂侵階

僧房美人蕉和韻

紅稀綠瘦影蕭蕭、相伴禪房逸興饒早穩芳心沾柳絮  
不教啼淚濕鮫綃老僧拈出頭同點天女飛來色倍嬌月  
下門開頻解語庭前栢子共清標

鏡中秋影

滿庭秋色映攔干亂入菱花欲盡難皓魄斜窺侵榻冷澄潭  
倒送帶波寒橫空過雁飛來疾隔岸凋楓遠自看獨恨  
意中人不見臨粧怯聽搗砧闌

贈新安汪古民

西溪高隱久忘名山水周流興倍清驢背敲詩霏玉屑

囊貯句擲金聲膠錫藍尾隨鄉異白雪陽春對景評  
元日後連朝雨雪好在阿戎家爛醉椒盤新頌許同賡

臘月賀人花燭

銀燭煙濃擁洞房芙蓉褥隱繡鴛鴦藍田舊種聯圭璧  
金屋新占叶鳳凰林下好賡咏雪白簷前先試點梅粧盡傳綵筆工  
京兆還羨清平供奉章

初冬趙子殿先招同諸子集文昌閣觀紅葉二首

籬菊凋殘樂事慵吟楓載酒喜相從繞村日照搖紅影隔  
岸林踈帶醉容騷客賦成江欲冷佳人題罷墨方濃倚樓情

興饒歡賞爛縵何辭琥珀釀

相逢驚座倒芳樽酬勸偏宜有弟昆長吸百川輸小阮

漫期十日學平原陳子維周又韓昆仲及家履中同在座蟹螯秋老黃猶膩楓

葉霜遲錦正繁莫訝停車常愛晚烟迷醉眼更銷魂

小春良夜陳維周郭宸章家履中諸子連夕攜

酒饌小集齋頭戲贈二首

蓬門長閉徑生塵晨夕南村意自真斗酒絕無泥婦計空  
庖時遇禁烟新忘形暫借賓為主撥悶何分我與人日  
待君謀一醉連宵高宴竟忘貧

小春佳景月初明送酒持螯仗友生雅技頻聞蜂蝶鬧高

談重見笑顰傾

宸章作蜂鳴及十種笑法絕肖

腐儒粗糲供誰設良夜醇

醪飲已醒更約登堂容我輩相將顧曲佐稱觥

諸友謀以清詎公觴為履中壽

和力瞻廬見贈原韻

蓬徑荒蕪歷幾秋昔遊良覲慰窮愁王庭賓客誰先後

御府圖書任校讐雪滿山陰還自泛梅開東閣更難留

園春色知多少早向金門騁玉駒

雪中瞻廬小集齋頭疊元韻見寄再和

瑞應豐年報有秋殘黎此日足銷愁差堪柳絮同歡舞未

許梅花作怨難言僵卧喜逢佳客至烹茶肯為故人留

溪水滿衝泥近傍險何須待紫駟

西峴飛濤

蕩司觀風金華題

太守風流山水傳濤聲千古馮鳴絃乍驚絲竹錚錚

却訝珠璣顆、圓河落九天雲外度源傾三峽雨中懸荒

亭澗畔長遺響健筆誰堪續髯仙

客信州和季平萬見贈原韻

孤館羈棲歷幾時塵封綵筆孰題詩靈山對我長須笑

洞迷天遠莫窺競病早知愁險澁車斜相繼見清竒西江



風雅今誰嗣欲起崆峒作鼓吹

饒署端陽即事

客中作客倍關情愁裏添愁節又更冰署繁華紛滿眼  
葛江風月待誰賡遲、已負青梅約去去猶看榴火明漫  
泛蒲樽慚獨醒且酣歌舞共逢迎

謁謝文節公祠呈上饒張水齋明府

祠在廣信即城內  
為壘山書院荒壞不

堪即土人亦  
罕有知者

餓死忠臣實可憐淒涼廟貌久無烟冠裳剝落窮尤甚鬚  
鬢摧殘軀又捐廢址草荒藏虎豹中庭雨溜長苔藓使君

高義驅千古肯為先生庇一椽

遊南巖寺

古風

何人鑿開混沌竅阿難頂禮釋迦笑巖、獨立朱晦翁講學  
吟詩不同調一滴曹溪眼倍明躡屐五級倚天嘯俯視、  
渺皇州口吸西江欲大呌

登一杯亭

荒亭寂寞付蒿萊忠定勲名安在哉若昔好官徒自苦  
于今太守幾人來漫言清慎勤三字只有笙歌酒一杯  
惆悵鍾靈橋畔石講堂處、面江開

遊博山寺

名山寂歷足棲禪曹洞宗風有正傳飛錫西來泉欲滴德山

卓錫得泉馳書南去石同堅粟如却靖藩之經函寶藏三千卷寺有明神廟所

賜藏塔記恩榮一百年無異大師塔碑記崇禎二年立欲謁遠公成獨往攢眉深

對滿池蓮主僧尚岩外出未歸

後八哀詩 并序

半生患難乃見交情感舊懷賢歎歎曷已比年以

來師友凋零素心寂寞屈指可數約有八人用少

陵秋興韻人各一章聊舒激切不暇推敲亦云寫而哀

已

修撰沈元洲夫子

十年沉頓老詞林草自敷榮柏自森五色早看苞作彩九

臯誰聽和鳴陰了恭弟子成何事陸贄門人空有心烟雨襟

頻洒淚悲風四面送秋砧

林碧山太守

金臺雁影久橫斜牢落天涯兩鬢華長欲問梅無隴使

豈知泛海有仙槎防城夜月荒茅舍交趾秋風入暮笳甲午

訪先生于瓊州通奉委安南候賊相作賦不須悲舊事義方先發滿城沙

過防城界上茅舍中秋對景凄然

薛仲蕃明府

曾聯棣鄂共春暉

薛本姓方與余叙兄弟之譜

珠履堂中燭影微一擲千金

翰雉采滿浮三雅倩花飛漳濱迹竄風塵隔彭澤腰輕世  
事違羅網遊魂迷客夢哀鳴空羨稻梁肥

毛西河檢討

險難升沉一局棋六經晦塞獨堪悲縱橫萬里餘雙眼上一

千年自一時

先生題詞有縱橫十萬里上下五千年之句

張棡最稱聞道早象山應悔

讀書遲等身著作誰紹述長撫遺編豁所思

許月溪明府

早携絲竹卧東山籍甚才名滿世間舊入酒壚豪李杜間揮  
墨筆逼荆關循聲到處常流澤古道依人欲照顏茂苑重遊  
尋鶴案吳儂猶帶淚痕斑

高巽亭編修

孤山亭畔斷橋頭行殿蕭蕭草木秋世掌絲綸猶有憾家餘  
圖史已無愁功名度外隨黃鶴浩蕩胸中付白鷗繡佛早能消  
慧業精魂還復到杭州

周漁璜詹事

持衡深羨起衰功南北英雄盡鼓中解網重煇學士筆

駭真見古人風塵封舊笠頭為白淚濕青衫血染紅書  
早知歸故國誰憐久客有衰翁

李慕農部

韶年遊戲各逶迤壯思剛腸任險陂北里歌殘楊柳岸南村  
采遍菊花枝琴調魯國聲猶韻筆判倉曹守不移素慢  
歸來寒澱水懸河有淚欲交垂

留別同鄉諸親

投簪老去絕逢迎梓里頻過狎舊盟人世半生長作客天涯  
相聚倍多情高歌清夜聞吳詠晤語終朝作楚聲今日暫

分澱水驛何時同上越王城

留別新安諸友

相逢莫訝白頭新客子由來慣畏人跡若疎時情自永交  
當淡處味意方真黃山好夢隨明月烏石重遊怯晚春惆悵  
離愁分兩地桃花潭水憶汪倫

留別蘭谿諸紳士

燒琴煮鶴水同清乞竹尋花歲幾更厚意不忘舊令尹  
高風常憶魯先生凋殘井里資調護淳樸山川見蕩平皓  
首重過猶有興驪歌莫悵雁歸聲

留別同學諸子

錦里幽居久杜門賞竒晨夕問南村  
花邊賴有求羊跡人境猶聞車馬喧  
銀筆題詞雲爛縵金釵泥酒月黃昏  
歸歎自息培風翻遙聽搏扶變大鯤

贈宜興令魏又韓

一代賢良孰與齊延陵聊復借鸞棲  
冰心映澈芙蓉水花筆祥凝罨畫溪  
春雨桑麻長被野秋風桃李盡成蹊  
早騰民譽隨飛鳥嫵媚遙聞出御題

贈句容令施翰英

西寧令長公

茂宰聲名屬少年秣陵佳氣接幽燕  
家傳治譜稱三異邑有神君號二天  
飲馬龍潭心似水還丹勾曲與同仙  
曾從小阮經過地白首登堂愧執鞭

贈當塗令林子紳

舊從立雪推前輩新播仁風望後塵  
百里士元能化蜀廿年王粲欲歸秦  
丹陽留滯悲遊子粟里蕭條累故人  
攜手共看牛渚月秋風幾度憶羹尊

贈興武衛守戎林又彤

投筆狂歌憶昔遊彤庭射策五雲浮  
當年燕領原無敵今日

龍旗映莫愁漕輓關中蕭相國書傳圯上漢留侯相逢異地  
歡多少秋冷秦淮月滿樓

登謫仙樓

風急天高拍浪開謫仙樓上獨徘徊半生事業詩三首千古  
豪雄酒百杯捉月那知憐皓魄騎鯨誰復到蓬萊煙波不盡長  
江水日與汨羅數往回

采石虞丞相忠肅公祠

逆瀾馮陵赤社寒長江飛渡更無難書生慷慨興王業使者從  
容上將壇采石尚餘風鶴警吳山空作畫圖看可憐舊鎮荒

祠廟草沒殘碑露未乾

江陰署中喜晤許員王鄭惟宗葉宗竹諸友有贈依韻和  
舊來向日久封塵披霧重看境又新落拓馬周初入幕一寒范  
叔獨遊秦素心晨夕無多日白首婆婆已數人且喜蘭陵多  
美酒他鄉聊共醉江蓴

贈江陰道士陳遵九

玄都深邃戶重扃太素真傳得五靈龍虎間遊銷白日鹿羊  
時玩熟黃庭香飄桂苑空中度曲奏霓裳月下聽欲向上元  
問消息玉臺何處覓丹經

蘭虎

出薄原資經緯材何須威勢向人開為抽尺寸慙心緒故假銀  
刀作剪裁封邵變形羞對向馬明回首錯投胎可憐宛轉隨兒  
女長使風生傍鏡臺

茄牛

弱植卑棲當野蔬斲然頭角勝黔驢未堪任重資田父祇  
可提携付小胥剖出肝腸紛瑣細疲殘筋力只趨趨漫施文繡  
供郊廟老去偏宜暮賦狙

養鶴

骨鯁真堪列上卿乘軒舊日有聲名乍從丙穴珊、出忽度青  
田緩、行一夢早能驚學士半身儘可壽先生待凌霄外尋  
知己莫過河中泣舊盟

蟬猴

露下秋高欲語難巫山幻出綵雲端伴貂潦倒慙無色辟馬  
從容忽改觀蛻去正看尋棘刺沐來未許著人冠若教繫檻  
長供奉何似噤聲度歲寒

橘燈

洞庭春色壓江南焚頂移來伴佛龕素履離披芳度綺朱

木爛縵影拖藍神童漫擬懷中落棋子無勞月下採穎得  
光明常澈底流涎不敢羨餘甘

蘆筆

蕭々洲渚影翩躚飛舞龍蛇帶遠煙指點空中題雁字縱  
橫江上灑魚箋生花入夢秋方老畫日重逢色又鮮莫道中書  
無用處廬陵長欲表周阡

因見鄭魚門令卽和詩再疊前韻

鳳池冰操絕風塵雛鳳聲傳語復新帶草箋經曾表鄭鈞  
鰲題卷早知秦青雲未覩韓公白雪遙聞賈舍人漫過屠門

誇大嚼何如鹽豉下青蕪

賦得嘒嘒鶯聲花外轉為觀劇作

爛縵春光繞上林嬌聲隱々送鳴琴低回柳浪湖中客攪亂  
遼西夢裏心珠貫韻隨檀板落塵飛響過柘枝沉莫愁綠暗  
詩人老錦繡橫陳足賞音

嬌香嫩蕊正猖狂認取濃陰記曲娘天女懷春調玉管雪兒  
對景弄金簧谷中好語疑求友葉底低聲巧喚郎欲遠建  
章猶未得早傾俗耳惹詩腸

江陰九日登君山感賦



客裏重陽景暗催  
君山聊作望鄉臺  
長江浪靜心猶競  
滄海潮平信不來  
皂帽尚留霜鬢健  
白衣誰遣旅懷開  
杜鵑花滿愁人眼  
消息空勞神女回

君山尋春申君墓

重陽獨上君山頂  
為問春申墓已灰  
盡說南朝爭王氣  
久封東嶽作行臺  
陰謀覆楚成何事  
結客親秦亦可哀  
獨有李園鋒早利  
猶慚無忌冢常培

將發江陰再疊前韻留別許員王

菜蕪久客鮑生塵  
楓冷吳江景復新  
長路回車寧學阮  
繞朝

贈策欲辭秦囊空  
正好藏佳句  
鉢洗終當解  
避人待約道山  
成二老烹泉小摘水中蓴

贈平湖令林廣業

陳情高寄臥東山  
郎宿重輝照世間  
楚水携來琴韻遠  
當湖調出鶴聲閒  
金閨舊好情猶重  
玉案新詩色尚斑  
惆悵丹陽留滯客  
那堪霜鬢望鄉關

贈海寧令吳迥齋

廿年飄泊向誰論  
雲雨場中任怨恩  
贈縞定交翰季札  
買絲欲報感平原  
安瀾績奏寧千里  
保障功成福萬村  
分手莫愁長路

隔早占郎宿入台垣

秋為近五各有十二屬詩援引典故不許犯重眼前近事  
搜索殆盡爰拾遺闕聊為此詩

何年毛落向山遊寒夜窺燈欲未休瑞報使君隨杖走祥徵聖  
主吐雲浮漸依牛角猶多慮巧作人言豈足憂莫訝四公能撰  
卦軍門京觀早成立子鼠

生平舐犢幾多時鼻聽沉吟有所思天子射來成故事相公  
駕出欲何之壇中執耳羣推重老去操刀孰敢尸可歎敗掣無  
用處債豚雖瘠亦堪悲丑牛

聖主當陽早戲朝何勞鐵索更纏腰偏蹄到處風生翼搏像  
隨人雪作嬌誰解入山擒白額獨隣小制有青要二空侍者飯  
依久肯向追符自伏招寅虎

吐生盡不識嚴親撲朔迷離孰認真悟道豈知頭有角高談  
只恨口無唇搏獅空自輸全力顧犬尤須早避身安得中秋  
明月滿飽烹斯首饜清貧卯兔

五采成文透碧霄早歸滄海湧成潮長依袞冕香浮滿半入  
旌旗影動搖見尾有時看變化逆鱗無患可招邀誰教高臥渾  
無欲頓使隆中久寂寥辰龍

一州相報動公卿菩薩由來獨得名  
畫鬼可堪稱幻化斷頭何處見  
羣行小青二偶長為伴梁后三生亦有情  
若使玄龜時吐氣不教上國狎齊盟

已蛇

地用莫如爾最強那堪憔悴獨立黃祗因下駟還先路遂使超羣  
兀服箱歷塊自慚遭一蹶橫門却欲效微長負圖待啓天  
秘更伴昭陵鐵汗忙午馬

性淫比呂亦宜哉西域遙傳得種來  
智效堯牽猶可笑計窮朱泣正堪哀  
兩工海畔勞神女髯客山中號秀才  
不共仙人遊粵去却從上苑吐珠回

未羊

嵩山携榼訪知音似粟如拳盡盃簪  
只好逢場聊作戲不知何術得安心  
報時長伴高人隱初吉常朝古廟深  
麟閣豈堪圖厥像翠屏猶自見哀吟

申猿

五坊交構檄爭移蜀魯雌雄各自持  
正愛長鳴堪作友却憐斷尾憚為犧  
愈風百翮柵宜護啼月三更店已離  
最是尊拳

處分明軍令有誰知

酉鷄

白雲深處若聞聲舊主方歸解遠迎  
牽出早悲秦相國縱來好北漢公卿  
練香豪士酬勞重救益仁君報德輕  
盡力只思除狡兔功成何惜一身烹

戌犬

卑率隆之久擅場化龍卧榻勢猖狂納肝儘可辭安邑嚼肉  
真堪羨魏王剛鬣雅稱君子禮殯牙戒切小人防渡河漫擬移  
天象入甕猶沉北斗光 亥猪

得次男捷音復聞部允援宥之報口占志喜

廿載沉淪久杜門頻聞送喜欲銷魂一經幸繼先人澤三省深蒙

聖主恩教子義方今始信良朋古道世猶存樊籠脫去從空濶松菊  
何年長故園

### 發澌水驛

宦海風波久未平他鄉留滯不勝情喪人失國晉重耳老母終

堂蕪子卿十九年來同險阻三千里外隔幽明今朝喜上歸舟  
去願借東風送幾程

### 返故居

此生猶喜得歸闈環堵依然作客身出入少年多畏老往來相  
識總嗟貧山川面目還如舊鄰邑衣冠見一新惟有含飴堪  
寂不妨閉戶對松筠

### 輓陳門連烈婦

六載同心肯負恩悼亡賦罷耻生存珠沉合浦潮聲遠珮去沙村  
月影昏 烈婦合浦令折女沙縣司訓子感三男婦 令女那堪稱就義湘娥何處可招魂

浮名早謝人間世表節無勞燕門

軒年令郎卿懷以遊庠簪掛日合卷口占申賀併東軒年

青雲初步賀新郎喜氣雙、滿畫堂采得芹香添繡閣携

歸花筆點紅粧齊眉舊案看重舉軒年亦以簪掛日合卷跨灶新篇次

共揚桂子同攀甘讓少抱孫獨許老夫狂

建溪舟中阻水三首

連宵滴瀝暗江干巨浸奔濤急浙難咫尺關山雲外望濃隴烟樹

雨中看只堪高臥同漁父那有新詩動寫官欲掣豐隆鞭海

騎鯨直上換征鞍

低垂岸竹淡闌干三老偏宜行路難伐木歸來分斧劈籠鷹

去得錢看弄潮那得逢鮫客送酒何由有縣官獨羨翩翩公

子興當關立馬躍金鞍同舟劉公子由早路先回念八都

強將排悶數支干舟中無事日檢命書曲膝伸腰臥起難對客問天何日

轉呼童量水幾回看猖狂豈敢同名士寂寞依然似罷官均

仙霞獨不見片帆長自阻輕鞍

舟次水北雨久確飄市中乏米偶值伶人來謁屬令轉

售承饋斗許繼以肉燭和軒年口占原韵

停橈幾度望長庚過糴深知確水平忝竊餘光分子弟頻

煩推食饌先生加餐顧曲心猶壯大嚼觀場眼倍明莫道衣冠輸我輩祇今每飯亦關情

張于庭先生贊

青錢入選早登壇珂里宗風興未闌薄海正開新日月武陵復見古衣冠齊眉雙像題來易余曾為題先生暨配孺人雙像一命孤忠先生族弟字鳴亦不應試西山盛事許同看

張秀士贊

清河世德獨鍾奇偉器生來冠一時束髮早懷蘓武節麻鞋深慨少陵詩雲移椿樹垂長蔭春滿荆花發遠枝武毅已

看蘭桂茂金貂應復漢威儀

贈鄭魚門先生

曳履家聲孰與齊鳳池高望隔雲泥堂中落筆書為草閣上箋經火是藜玉尺重懸江左右冰壺遙映楚東西起衰早見孚輿誦枚卜還看出御題

句容道上書所見

驢背衝寒怯曉征長途極目欲傷情溝塍龜圻場無粒山粉翻淘土作航載道携孥隨草宿沿村覓食戴星行有圖欲繪誰簪筆愁聽哀鴻空自鳴

贈濟寧僉事余田生

復陂誰是障狂瀾獨為蒼生起謝安詔下山東皆踴躍星臨  
激水失盤桓田生訪余蘭江旅次余因他出未得晤別加河潦淨千艘穩魯國風清萬  
姓歡騰達故人重握手停車相對笑彈冠

汶上道中雨雪

久謝長安懶着鞭今朝風雪倍悽然壯心冷盡真堪笑徹骨  
寒生亦可憐襟被遮頭迷古道殘羨果腹願豐年灞橋漫欲  
誇才子學得表安已似仙

腰站早發

漫載空囊作遠遊一天風雪滯行輶故人未得逢蘓子逆旅  
猶能識馬周踈柳凍凝花欲舞曉鴉霜冷影難留羞將華鬢  
閒奔走還向長途嘆弊裘

壬寅除夕

今年守歲忽京華朔雪飄風燭影斜聊自開懷聊自醉半  
成作客半成家余見媳同在姻翁紫山侍御家椒花莫獻當筵頌爆竹初聞幾  
處譁司坊以國喪禁花炮是夕有音放開舊事漸看除欲盡可分春色到天涯是日立春

癸卯元旦

三朝新值紀元年鳳曆重頒玉漏傳萬國衣冠留墨色 九

重霜露動是天桃符欲換猶存舊柑節雖傳未獻鮮獨恨  
滄江從晚起辛盤相對倍悽然

送廖靜岳之任武寧

髫年立雪早同遊雲樹長分四十秋愧我鳴<sup>伏</sup>同老驥多君發  
力見金牛薊丘柳縱重分袂彭蠡春深好放舟治譜家傳看  
繼美鳧飛應到鳳池頭

贈真定太守黃雪溪

粉署含香早羨仙一麾風采動幽燕百花樓上琴聲遠五馬  
山頭鶴影翩銅斗便民長共置赤帷行部不煩舉故人今日

重携手對酒還欣有二天

將發汴梁主人復留一日遊禹王臺

即吹臺舊址上有  
御書樓

戒塗忽復阻歸鞭名勝登臨信有緣梁苑繁華何處是吹臺  
遺跡尚依然非關杜句堪乘興為藉王功得久傳獨恨鼎湖  
龍去遠中天日月只孤懸

獨上高臺俯汴州憑欄悵望思悠悠蕭條千里膏方動寂寞  
三春草未抽微禹神功誰底績少陵勝事豈能酬烟塵日暮  
悲風發攬轡狂吟起四愁

憶石門隘桂花東周聖俞



十年未向石門遊聞道中興景更幽說法老僧能刮眼傳燈

居士欲髡頭近因病眼艱視日惟開五燈會元二三章白蓮湧出花連座金粟飄來香

滿樓問訊續之清興好幾時有約到林丘

又題定湘楓林停車小影

欲買胭脂畫不成吳江冷去倍分明飽餐玉露添新艷怯逐青陽

老舊蕭蕭莖高士停車因愛景名人寫照輒移情囊琴莫訝知

音少萬壑蕭森聽一鳴

象山署中秋月色甚佳因微疴不能深賞感賦

連朝陰雨起秋聲為灑塵氛淨太清海靜早聞潮有信山高

唯見月孤明南樓深興頻邀賞東閣嘉賓半送行時諸友多欲回闔

獨惜病中空好景枕邊刁斗數嚴更

同劉寧山副戎雪夜渡海

戴星久已絕逢迎為趨歸舟泛雪行影入寒潮天一色光搖欵

乃月三更暗驚高士空山夢直效將軍午夜征但使年豐波浪

靜牛衣相對足平生

橫溪道上

頻年慣作江湖客老去翻為海外遊一葉扁舟凌絕壑五更

清夢渡滄洲登樓不獨悲王粲寄跡何妨學馬周來往經過

長極目炎風朔雪總堪愁

余初秋經此  
冬抄始歸

### 鄞江阻風

鄞江遙接海潮來，忽聽奔騰萬壑哀。  
戰罷玉龍翻地軸，敲殘金馬落寒梅。  
故人有酒長須醉，少女無情莫漫懷。  
擊楫雄心驚歲晚，布帆安穩且徘徊。

### 餘姚王文成祠

良知揭出示心源，自是先生創異論。  
一代功名人共仰，百年道學世同尊。  
火傳總屬張空幟，舌戰何曾得入門。  
試問尼山真種子，魯愚相對各忘言。

### 孫忠烈祠

威武將軍出塞行，北司奏寇逆謀成。  
神龍失水終難躍，高鳳遭笈只待烹。  
就義從容追正學，策勲僥倖紀陽明。  
姚江滾滾隨潮浪，猶是孤臣血淚傾。

### 曹娥江

小娥死孝足千秋，徽號長隨江水流。  
大節已堪誅魏武，好辭何以殺楊修。  
潮平似解錢唐怒，渡穩遙憐姒女羞。  
古道遺祠留夕照，悲風繞樹動離憂。

### 和計萊村見贈原韻

澤蒲河汾傳大業奇探宛委見新詞青春作伴愁都遣白  
首論交喜未遲一夕雄談羞故我千秋巨筆讓阿誰巡簷洛  
誦脫佳句安得南村教問奇

東林復社風流盡先輩才名重兩河但使遺經堪共讀何妨縱

酒且高歌

先生以尊大人改亭集志  
教連日捧讀尚未卒業

漢唐優劣誰刑定朱陸調停可

訂訛此去新安尋絕業好探消息近如何

先生精于理學時將有  
休寧之行故作此想

### 遊雲泉寺和韻

昔年此地草曾迷飛遙來借鶴棲再闢山川開面勢斬新菩  
薩復眉依深林礙日雲歸岫曲徑通泉水滿畦稍待秋風生桂

苑更尋惠遠續前題

### 過唐氏園林感賦

金谷繁華異昔時夕陽燕子亦堪悲落花有意長窺戶秋水

無人自滿池慷慨欲吟思舊賦淒涼猶恨悼亡詩

園內厝有唐  
氏子婦三棺

不妨

看竹隨幽興招隱何須待桂枝

主人約待賞桂  
見招故謝之

### 玉泉庵玉蘭花枯而復開和周聖俞韻

聞道名花枯復開招提佳氣見陽回頻年誰解憐憔悴此日  
驚傳說盛衰絲筆干霄含粉吐玉山籠月帶香來風流獨  
對看生意作賦無愁壓菌苔

荒寺婆娑寂、開饒他集苑待春回心經百折曾無悶病入  
三秋老未棄玉笋班知名士至燕釵斜送美人來變蓮化滌  
原非幻何似瓊葩照碧苔

留別家載如

天涯兄弟倍相憐白首依、二十年萬卷高樓吟欲遍雙溪明  
月榻猶懸阿戎頭角振、見驥子才名滾、連別緒不堪縈客  
夢鴈鴻聲急獨淒然

和葉芸三感賦原韻二首

石林才思早超羣樽酒重逢慰遠聞負郭喜栽三斗秫連

連襟猶有百家文息心相對憐衰鬢掀髯高談仰白雲老  
去揮毫興不淺江東長自憶參軍

春雨連朝久索羣登筵躡屐亦奇聞素心何必拘常禮我  
輩應須脫舊文訂就佳期思繼日授來好句欲凌雲騷壇近  
事新張幟老將真能獨冠軍

東嶽納寵詩

併序

丙午春王上浣之吉東郭軍民嚴具張樂送女像  
嶽祠云為東嶽納寵先是南郊下渡有鄭氏女  
子曾夢泰山神聘為小妻忽得疾不起東郭里

人亦以夢徵其事信然遂搏土塑女像甫點睛而  
女卒因作斯舉戲成二律聊當誌怪

岱宗佳耦竟誰傳作配曾聞泰水連豈意丈人峯冷落忽  
教玉女夢纏綿青生齊魯行朝雨雲臥衣裳伴曉煙午  
夜試從日觀望小星長傍月娟娟

雲衣雨帶赴真搜為嫁天孫作勝遊若礪盟言成往事傾  
城得意欲銷愁碧霞相望憐新寵玉檢重題咏好速待向  
華堂求一醉恐逢太守擲中流

和陳軒年花巷神樹詩

併序

花巷有古樹歷年久矣偶有行人過樹前蹶而傷足觀  
者誰以此樹有神宜拜禱當無恙從之果愈次日具  
牲醴謝從此遠近風聞祈禱接踵將議立廟以祀軒  
年賦詩二章斥之為和其韻以代樹神解嘲

大樹將軍何所知紛々禱媚總成癡直因兒戲人言耳遮莫高明  
鬼瞞之自昔衣冠多土木于今臭腐更神奇休欺老朽全無用  
也有興妖作怪時

秦松漢柏尚堪傳古樹成靈豈偶然紀異應知由木沴休徵何  
似起槐煙神叢借去疑無效社鼠憑來儘可延山鬼果能驚世

俗不材無羨老天年

送陳平野起復赴補

粉署含香久擅名歸來嶺上白雲橫  
孝思已賁丘園色忠悃難留山水情  
楊柳風催乘月渡桃花浪送戴星程  
宵衣正欲求民隱為聽嘉謨翊聖明

賦得一道花香穀雨前

限韻

寒食家：花滿園春光到處向誰論  
細隨流水津難問相送蓬門徑尚存  
爛縵千林風弄影氤氳百和月留痕  
黃昏浮動連芳草布穀聲：隔葉翻

送陳軒年赴黃巖鎮幕

五月乘槎作遠遊嫁衣針線未全收  
文章有恨遲青眼詩酒無緣慰白頭  
紫電霜寒幕府夜赤城霞映海門秋  
翩：書記饒文采火色從今識馬周

御書名教罪人四字製扁懸掛錢名世里居

勅羣臣賦詩遣歸應制

共驩早負帝堯仁媚骨天生出等倫  
名士風流惟學諂儉人臭味暗相親  
三章暫道

恩波重四字高懸斧鉞新筆伐自堪垂  
百代虞歌喜起動臣鄰

集林玉伯環碧軒嗽荔限韻

亭亭嘉樹碧塘灣異種傳來勝火山曉露乍晞香欲滴餘  
霞平散態猶閒盈筐珠寶堆紅粉飽嚼瓊漿碎玉顏不用輕  
貪三百顆嶺南今喜已生還

余別此味  
已三十年

送康步丹歸漳州

霞與標才屬對山鑑亭風雨幾回還  
祭花好句欣同賞櫟樹奇文許共刪  
秋色滿林聊惜別荆枝披地待重班  
芙蓉鏡映吳門水為報冰清一解顏

令岳栗園黃先生  
乃余世叔又以前也

明濮州守林素齋先生崇祀忠祠

先生諱真明洪武癸酉舉人為濮州知州靖難師入

濮守死不屈被縛桅杆亂箭射死妻陳氏亦抱宗譜自焚死

靖難忠臣死最奇竿頭百尺的為尸焚身抱譜憐同穴仗節全  
宗惜蔓夷四百年來徵舊傳十三代後肇新詞

聖朝俎豆榮桑梓莫向東昌問義旗

林母李孺人 旌表節孝

龍光遠賁女宗門崇獎深承

聖主恩本為艱貞同日皎更無奇節叫天閣義方兼式庭前訓  
女婦齊安地下魂白首已完冰玉搯兩髦何愧昔盟言

勝王閣

滕王高閣面江開秋水長天寫得來一代詞人皆閣筆千年

聖主尚憐才

閣內有御書王  
子安滕王閣序

凌雲時有閣公望闕象虛疑帝子回

豈是地靈堪不朽為尋人傑數徘徊

歸善署中閱邸報追輓趙畫三

飛揚跋扈想當年白眼看人信自然風雅擅場儕七子樂羣於

幟邈諸賢破荒射策星辰近特達蒙

恩雨露偏若解臣心清似水鳳池誰許著先鞭

再典文衡海內崇起袞無望繼歐公二章未必皆天幸三古真

疑有鬼通象齒早詒伊感恨雉經猶拜

主恩隆閩南空表

讀書處憑吊何人泣晚風

榮悴何常似奕棋相依侍御覆車

馳吾翁蕭蠶庵侍御以驕  
馬恐得禍里人早舉相方

蓋

棺論定人誰惜直筆書來世自知猶有彩駕同結塚更教

野鴨遠啣碑早看父老焚香日便是先生永別時

總見飛章逮浙藩又聞緹騎入軍門一時墨吏無強項到

處殘黎起斷魂金穴那堪求繫援冰山誰復長兒孫不堪

再聽廣陵散永伴雷塘月影昏

潮州謁韓文公廟

文學初開嶺外天肅瞻遺像拜高賢光鑑早已摧蘓軼



倔強何妨識大顛，有覺鰲魚長遠避。無知佛骨亦空傳，祇  
今山水皆增重。直表聲名路八千。

### 韓木

雙幹亭、不識名猶傳。韓子手栽成，摘來天上疑無種。特  
出人間自挺生，紅白繞枝舒錦繡。制科新兆卜公卿，為弘  
文教垂終古。故顯靈株作楷程。

### 同友人遊南岩

隨山結構絕幽奇，下、高、自得宜。石室陰霾銷伏暑，危橋  
曲度轉離迷。盤根古木虬龍舞，絕磴飛岩燕雀疑。同是西湖

名勝地

岩一名湖山  
下有西湖

獨憐淪落少留題

一覽超然渺絕塵，萬家烟景爛如銀。

山又名銀山

鳳臺返照披紅

綺，韓水平分帶白蘋。日暖陰風時噉，整夜深燐火暗侵人。  
于今海外無烽警，敗堞長留草木春。

山上舊有城  
為防海計

### 立秋日作

水淺沙迴漫放舟，灘聲不斷亂江流。芭蕉風急常疑雨，蟋  
蟀吟哀已報秋。燕子未歸縈客思，荔奴早熟起鄉愁。夜  
闌鼓角催寒曙，怯見星河影半鈎。

### 白燕

涎、翔舞雪精神玳瑁雙棲皎絕塵入社最宜秋結侶  
猶恐點沾唇飛來起雨全非幻夢去投懷認是真王謝風流  
原不改烏衣舊事却翻新

舟中七夕

風微雲淡夜光浮水靜波平月不流又見佳期逢七夕忽  
驚作客入三秋旅懷幾度歌烏鵲愁緒何堪問女牛人世  
可憐吾獨拙年、學拜巧難求  
欲賦悲秋興已孤况逢此夕倍踟躕穿針遙憶憐兒女驪  
腹空思學腐儒離合閑情天地老尋常忘巧故今吾客

星重見真消息試問君平識得無

將軍甲

在龍川縣

嶙峋壁立獨當關壯志平凌千仞山豈是望夫頭不轉真堪柱  
國骨生寒聽殘夜雨常披甲戰罷秋風未解冠莫歎奇終  
冷落長江飛渡畏君難

秋夜舟渡石龍和林子紳韻

輕棹相隨下急灘石龍繫纜夜方闌月明乍覺三秋迫水  
色遙分百粵寬對酒不辭終日醉狂歌猶作少年看一天  
白露寒江影剪燭頻敲莫整懽

贈饒州憲副龔澹巖

循良渤海早知名  
驄馬重看憲府清  
佳氣遠蒸彭蠡澤  
雄風遙壓豫章城  
九江春色隨飛蓋  
千騎東方領使旌  
預識御屏題姓字  
豈徒西楚動威聲

贈南康守葉學山

起草明光興欲仙  
一麾春滿楚西天  
潯陽樹色搖佳氣  
彭蠡秋風接素烟  
楊柳已成傳韻事  
琵琶重見有新篇  
十年遙憶河梁思  
潦倒何堪問仲宣

贈三水令鄭虛舟同年

落天涯訪舊盟  
嶺頭花信倍關情  
鸞樓自覺劭名遠  
鶴案遙聞雅韻清  
彭澤寄懷堪獨賞  
春陵好句倩誰贖  
廿年風雨寬愁思  
把臂相期聽履聲

將之海南聞太守林碧山先生已往交趾迎賊途中有作

故人踪跡久稀聞  
黎母山頭切望雲  
忽報珠崖廉太守  
遠隨銅柱老將軍  
共來海外清餘孽  
欲代安南靖小氛  
投轄急須西改旆  
好看諭蜀有雄文

防城中秋

瓊守公署在安南界上

頻年作客飽經秋却喜清光此地浮豈是雨晴添皓色獨來  
海外遣人愁遠山烏鵲投林靜隔院笙歌永夜幽茅屋可堪聯  
玉宇饒他清興對南樓

時廉守演劇達旦而瓊  
守臥病荒即景殊蕭瑟

### 海南道中

嶺表紛華事已非征鴻猶自向南飛潮平澗谷偏宜厲秋  
老炎蒸尚未歸閨女趁人先學嫁村姑款客逐相依漸看  
景物催愁思滿眼楓林帶落暉

### 廉州道中

荒林密箐亂山中竹屋茅簷處處同合浦明珠沉夜月伏

波銅柱老秋風重趼少婦盤頭白飽嚼橫柳濺齒紅瘡雨漸  
銷飛站登壇猶想漢時功

沈位山以病辭職為廣其意

循卓曾經黼座知蠻方吏隱亦相宜許身稷契談何易結  
想羲皇志自竒孤鳳入籠危往事鱸魚作膾喜當時故園  
桃李應重發莫使姚江冷燄滋

小試猶堪望大行委蛇吾道有先程却憐驥子男兒好更  
羨巾車指點明慷慨拂衣辭聖主從容披髮謝蒼生自  
甘勇退成高尚誠正空傳待漢卿

過藍關

佛骨書陳人主怒上元節後出長安  
粵行已值春垂盡嶺表何由雪擁關  
縱有真仙能度厄肯將強項暗相干  
韓祠壁立搏湘黍應與荒碑得共刪

嶺上立有步  
雪仙踪碑

過大庾嶺

重巖奔峭倚天關南北長分障百蠻  
一指黃梅空放鉢千秋金鑑早開山  
雲封松影驚濤靜霜染楓容帶石斑  
幾樹老梅春信早那堪遙折一枝還

贈江西督學吳兩亭同年

洙泗源分正脉長名題卽署早含香  
玉壺映澈西江水寶劍光浮彭蠡鄉  
師範遠看傳白鹿起衰端不愧歐陽  
聖朝雅化弘文教待啓綸扉重拜颺

贛河紀行

春盡南來冬北行石尤相送最多情  
扁舟隨溜衝颺轉隔岸揚帆上瀨輕  
稚子自能求口實參軍長不解蠻聲  
閒看山色增惆悵遙指青峰閱幾程

新淦夜泊

相隨長是一孤舟纔出韶州又贛州  
逆浪打廳風帶怒連江入

夜雨添愁擁衾坐覺寒更永伏枕偏知鄉夢悠作客經年過  
萬里幾回搔首得夷猶

輓黃德基

風雨狂歌聲滿樓牢騷廣武浪封侯忘形未覺十年長放眼無  
懷百歲憂皂帽復愁翔北鴈  
契濶廿餘年壬寅春暫聚復別素車長恨慟西州  
床琴一弄增惆悵稍喜三珠永欲浮

鰲峰書院十景詩

御扁瞻天

宸翰親題墨跡懸九闕人士共瞻天恭逢四海同文日寵錫三山養

秀年飛白龍蟠垂雨露泥金鳳翥繞雲煙  
湖縱抱鳥號慟厚澤遺偕帶礪傳

秘書炳日

御製文成駕百王石渠金馬久珍藏校讐不復秘中秘  
頒賜還承出尚方炳耀日星周海曲昭回雲漢燦天章  
始知照乘非他寶永鎮榕城寒映光

道南雪滿

中堂祀濂洛關閩五賢西堂祀黃勉齋胡五峯游廣平陳北溪蔡虛齋陳剩夫六子

邠魯風移到海濱久傳濂洛與關閩五賢並衍南來道六  
子交推北面人中座薦馨陳木主西堂肇祀配功臣千秋

統緒源流在仰止高山咫尺親

正誼風清

東堂祀儀封張中丞像東南堂祀海康陳中丞木主

兩袖風清得兩賢儀封經始海康連中丞教育爭親炙宗

伯京榮接後先

海康贈宗伯儀封官伯京

榮帶黍苗留此地菁莪棧樸想

當年山頽木壞人千古俎豆長看存藻鮮

鑑亭樹蔭

鬱葱佳氣滿亭中似鑑澄清接遠空四顧參差紛樹影一

團和煦盡春風藏枝鳥語聲相應映水花開色自工從倚

憑欄添逸興道心生趣樂何窮

曲沼荷開

濂溪源遠澤流長活水支分曲沼旁落大儒偏獨愛亭

君子在中央浮萍掃盡消渣滓翠蓋擎來得異香阮

逸並非輕富貴淤泥清處見行藏

鰲峰返照

聞道峰從駕海來夕陽西度映高臺不貪丹灶成仙侶為愛

元灯出火魁顧影毋忘名勝地惜陰須步古人才桑榆收去原非

晚萬文光些次第回

芸閣貽香

藏書樓貯書二  
十二笥幾萬卷

頻笑遺書付子孫  
普天能保幾家存  
全憑經史為公業  
留待文章報國恩  
萬卷蒐羅人共富  
百城高擁道彌尊  
翹從積厚先流遠  
不盡蒸然恣討論

假山月色

功成層累自何年  
人及由來合見天  
進止為山爭一簣  
高明印月信皆圓  
容光照徹知原本  
弄影吟歸覺自然  
翹首廣寒芳氣萃  
桂林攀折幾枝先

繞院書聲

休明鼓吹屬儒林  
結伴攻書歲月深  
萬籟凌空輸韻誦  
九成

和奏讓歌吟  
循牆遠近同傾耳  
拍案悠揚各賞心  
漫道古人糟粕在  
破將萬卷有知音

和軒年榘災口占原韻

史巫紛若走叢祠  
王道人情世豈知  
今歲滿城皆喜氣  
去年此日正啼飢  
提攜歌舞迎神地  
倒篋傾囊舍利時  
但使閭閻多起色  
儘教遊戲恣奔馳

簇簇儀仗擁城關  
雜耍十番併八蠻  
掃淨文衢同警蹕  
朝參行殿儼呼山  
笙歌進酒爭從事  
丁灶科錢少客顏聞  
道呻吟猶未息  
衣冠遮莫近真頑



送象山副戎劉寧山回任

破浪依稀記昔遊，睽違風景忽三秋。  
玉關老去人猶壯，彭澤歸來鬢已秋。  
麟閣新猷看節鉞，鰲峰故我愧松楸。  
喜傳衣鉢佳公子，取次登壇見小侯。

長君向魯執經新捷北上

君山鎮海

海壇十景和陳軒年韻

昔年重訪舊詞壇，曾到君山一借觀。

余訪葉芸三于江陰縣亦有君山曾登絕頂

聞說春申初啓土，久為楚國壯藩翰。

江陰君山以春申君得名

遙連鐵甕

千峯秀，低壓長江一帶寬。更有洞庭誇絕險，何如大海砥

狂瀾。

帝壯朝天

山皆白沙最上有丹土一曲宛若灶形俗呼皇帝灶云

驚輿疾止，渺無端倪。

仰首爭將帝壯看。

御廩只抄雲子

由雲子白，洪鑪長剩。

老君丹漢薪，抱盡誰能曆。

周鼎

飛來何處安，最是高居突。並曲欲煬，欲媚總皆難。

湖環六疊

島有湖甚大，編植蓮花，俗名三十六脚湖。舊傳曾出龍馬，至今龜生大小不可勝計。中一龜曰龜真。

隔離漲海，獨滌浚分派。爭奇六、灣香，浥笑蕖疑散綺。

光浮漱灩，若連環負圖。想像虛無裏，曳尾蕃滋沼汜。

間漫把風流擬，西子空思立馬到吳山。

壁立五花

海濱有石五堆，相隔各二丈許，每堆大小錯落，數多黑色，俗呼五營兵，不知其所自云。

生成起數術難窮點石為兵布置同隕在宋都移海上  
煉從媧后散閩中玄王載旆軍容壯青女連營殺氣  
雄應識衛公傳獨秘不教白帝擅天工

瓦成一片

秀尾有石洞能容數十人望若屋形名一片瓦

咸陽三月火連燒一片鎔來自漢朝天地陶成人共庇  
風雲擁護暑全消雖無大厦沉壯終免懸旌靡搖  
穴處早聞稱太古巍然石室已遷喬

洋舉雙帆

洋中二石牌一高一低其色純白遠望若雙帆然

雙帆卓立影我疑是樓船暗伏戈橫海有時搖日月

中流無恙靜風波揚旗乍指甘長泊伐鼓何人得並  
過似向吳門看匹練無勞赤壁咏狂歌

葫蘆灣窈

大小環曲形似得名

小村曲逕盡隨流賴有漁人取次求乍入繩緣疑削頂漸  
看囊括似懸疣箇中日月形皆古洞裏乾坤景自幽  
安得與君同跳入方壺瀛海恣遨遊

鏡臺峯高

竹嶺有石層起上圓如鏡下平如臺

巖高掛信難攀那得清光遍照顏百丈影沉花久  
謝千年塵暗面長閒團圓不做飛天上掩映常宜

對月間正恐燒粒凝立久更須化作望夫山

仙步留蹟

二蹟一淺一深相去極遠傳為仙人脚步

飛升高舉久傳名何事山中復漫行豈是天台採藥去故從蓬島帶雲撐巨人迹在知誰是孺子履來也自輕靈氣未能慚學步幾時接武見丹成

猴狀探潮

石生酷肖猴狀磬折俯視俗名猴探水

遙從巫峽暗飛來海外曾聞嘯幾回側眼免冠潮共沐俯身無刺石為胎渡江泥馬還相恨戲水遊龍豈有猜莫怪老僧常作戲點頭垂臂亦堪哀

七言絕

周雪客世伯雨後同陳緘庵鄭二瞻小集齋頭口占

三絕和原韻

辟炎偶集小堂前一望烏峰卓欲煙忽爾催詩新雨至却教佳客故留連

風輕雨細近蒲陽柳色青送客觴座上使君能顧曲驪歌一唱盡醒狂

時陳太史將歸浙

名士端陽酒數罇離騷痛飲慰湘魂傳家詞賦今猶昔千載臨風憶櫟園

江州琵琶亭

蕭蕭蘆葦滿江湄  
月照孤舟水一涯  
不用琵琶傷舊事  
青衫淚濕已多時

孤臣棄婦調相憐  
一曲琵琶思惘然  
湓浦夜深悲自語  
誰將舊事倩人傳

昭君塞外調新譜  
司馬江州再賦詩  
兩地琵琶同寫恨  
南音悽惋北音悲

教坊歌舞罷繁華  
老大商人不顧家  
盛事易衰人易老  
故園回首可勝嗟

長生殿上共徘徊  
細織女牽牛誓未灰  
脂粉豈關亡國事  
錯教風雨暗陽臺

大小絃鳴切切聲  
猶傳指法自西京  
三郎韻事高千古  
抱器難禁故主情

誤國曾聞李與楊  
暗挑鼙鼓動漁陽  
忍拋傾國酬天下  
南內時時泣上皇

新蒲細柳向誰論  
昔日曾沾雨露恩  
欲使愁人更拭目  
須教天寶復開元

曲終江上夜烏啼  
司馬情深托舊題  
心事不隨流水去  
夕陽

亭畔草萋萋

獨有荒亭俯大江  
空梁燕子自雙雙  
從今不按琵琶譜  
撥盡新絃未肯降

謁呂翁祠和魏環溪先生韻

萬年大夢幾曾醒  
只有黃梁吃得成  
試問邯鄲道上客  
竟誰回首學盧生

處世休言我獨醒  
黃金無術點難成  
囊中剩有真丹訣  
遮莫夢、過此生

紅塵夢目睡初醒  
欲買胭脂畫不成  
今日夢中還說夢  
羞將

心事問先生

到頭有夢總皆醒  
日日黃梁煮未成  
添火抱薪更作灶  
為誰辛苦老平生

岳陽幾度醉還醒  
濟世頻將九轉成  
若使普天皆畏夢  
千秋誰復繫蒼生

仙人虛把世人醒  
幾見高飛學得成  
夢去夢來同是夢  
休將幻景說長生

閩俗雜咏

三山鼎峙傍城隈  
五虎江聲逐海來  
風景不殊人事改  
幾回

吟望越王臺

鳳岡林浦失繁華

劉氏八賢林家五鄉皆閩望族

不數王家與謝家冠蓋高

人驕貴甚琉球日本儘堪誇

閩商通洋者多至琉球日本

果然生女勝男兒百兩盈門那可悲多少富人逃債急都緣

迎欣好爭奇

閩俗遣女先一日送嫁粧曰迎欣

鬼神設教亦徒然五帝于今已絕煙

閩崇事瘟神五帝今其廟已毀

何事人心偏

好怪相逢猶自問胡天

相傳閩有淫神胡天保實無其事

院相先行司伯隨

閩中兩院衙後曰院相兩司衙後曰司伯

許多猴路畏人知

衙門中說事

本

官去後交情古惟有鄉紳肯立碑

三坊七巷任逍遙窄袖輕衫錦束腰鄉里故人須避道姓

名新掛將軍標

近來抽土着兵隸將軍麾下曰將軍標

寺糧無計早銷魂又比學子租夜叩門

寺田學租一田兩稅糧額最重

最是村農無

見識分收先已索田根

閩中田根已奉禁革頑佃猶時藉口通租

東南西路半窮商

閩行益分東西南三路

終歲全為院費忙

閩商院費多于正課而徵比尤急

舊引未銷新引積益身無計望空倉

益商自買益上倉曰益身

海舶縱橫滿水洼竟無餘澤漏魚蝦南臺新有巡攔在

閩海關設

在南尺布休圖趁眼花

海濱鄒魯豈無才百事凋殘盡可哀常衣有祠終不改

高風猶待使君來

絕句

豪家歌舞巧通天博得九重翰墨鮮  
聞道栢梁新體制和聲應教李延年

絲：桃李日垂：競逐春風繞玉墀  
亂摘繁華堆滿砌空山松栢老誰知

元臣扈蹕已逾時珍重兼金恤爾私  
宴勞不愁縻內府荆揚貢物自多奇

四時閨詞

春暖晴開滿院花風隨戲蝶過西家  
閒來試把鴛鴦繡雙頸低交着意斜

純扇新裁皎素鮮欄干斜倚靜娟娟  
輕搖漾起游魚戲笑指初開並蒂蓮

札：機絲屢罷梭相思無計渡銀河  
天孫若解人間恨應悔生來巧思多

何處砧聲永夜聞半衾如煖影全分  
正驚柳絮傷人眼忽覩簾前雪已零

贈徐漢文

豪雄氣壓灌將軍十萬輕揮鏖一文突兀雲山供笑傲濡  
頭潑墨興凌雲

角力超羣笑動天數竒豎子讓先鞭弊裘不改滄洲趣  
爛醉揮毫睨鄭虔

鹿田聽雨

乍聆寒流碧澗濺驟疑三洞瀉飛泉愁心欲寄謝準羽  
抱膝長懷補漏天

蘭谿雜味

澄江如練帶長城天福岡分一掌平鷄犬相聞無隙地浙

東都會豈虛名

風樞如馬兩分流上下交馳估客舟城內擊鐘兼鼎食豪華  
直作小徽州

秋霽澄潭漾激文雙流匯出此中分欲開七里通瀧口長城  
黃湓逆浪汙

中原文獻一燈懸寂寞仁山起暮煙世守僅留衣頂在更于  
何處問遺編

浮梁十丈跨長流興華隨時各有由若使餼羊存鐵索  
後賢廢墜尚堪修



春秋合食肅明裡家廟巍峩報遠親  
糶糴滿携歸餒後陳平割肉更須均

學士咿唔手一編苦將制藝熟鑽研  
宋儒傳註刪除盡別有聰明契性天

泮水初聞姓氏香投簪忽自謝文場  
少年勇退功名薄皓首窮經髮任蒼

厚貌深文禮教繁經過雅意媚盤餐  
洞茗款客浮鷄子白酒衝寒掇腐孫

傳舍生妻易去惟遇人不淑怨何其  
蕭即見慣渾閒事破鏡無勞再誅詩

襜褕于歸大禮輕蒼：中道故寒盟  
三星已擬成佳婦速訟翻驚未問名

田間遊女踏青來結伴周行五廟回  
且喜春風輕拂面羅裙微漾不曾開

尋聲吠影各唯黃公是公非孰與詳  
鄉校管窺疵執政草茅武斷裂冠裳

封狐無數傍城隅擇肉搜脂白骨枯  
如意指揮箕歛巧鄭家一半郭全無

早堂非復昔時休，猶說清官不久留。  
正使貪泉憑酌取，十年賸得一錢不。

題畫

陸沉金馬意何奇，饒舌多將此子疑。  
天上若教偷得下，蟠桃應滿上林枝。

秋風夜雨興悠然，覓紙題詩苦未便。  
滿樹清陰參黛色，任情揮洒百千篇。

黃方伯行實圖卷題辭

溝瘠顛連起戰爭，術窮墨守勢無生。  
飢烏攫食窺湯獲

困獸投林束就烹

臥榻兵符早漏言，帳中黃石碁軍門。  
陳陵磯下西風急，敗槩沉舟有斷魂。

題朱贊伯小影

挾策馳驅已倦遊，停驂何處望皇州。  
一林霜葉紅如錦，染得行人滿眼秋。

正冠不敢學科頭，早識當年儒者流。  
笑指吳江應冷落，寒泉片石且優游。

題徐蘭侯畫卷

小草何關天地春  
艷陽到處一時新  
青、歷亂橫芳徑  
點綴風光慣趁人

趨、爭趨弱卉莖  
因風委露托身輕  
深知搖落愁多少  
不及牀頭蟋蟀鳴

題韓秦王畫扇

春風嬌面是耶非  
高髻明眸影不肥  
舞罷天魔輕約束  
新粧初卸只孫衣

目送孤飛趁女奴  
冰肌怯伴石纏綸  
輕烟一縷同心醉  
苦厭西涼打刺蘓

題王公小影

道貌仙風興自饒  
黃冠野服儘逍遙  
鹿鳴鶴舞長松下  
疑是重來王子喬

題青白鯉鱖四魚圖

碧沼嘉魚也數鱖  
一池春草吐還吞  
尚方美味知多少  
未解當年婆子村

蜀中白小號如銀  
質異名同孰是真  
莫向王舟呈瑞物  
更無頰尾到江濱

隋家解網幾朝昏  
菱荇游行亦感恩  
仰首窺天學

變化欲隨春漲到龍門

早趁西風八月肥蟹螯濁酒莫相違  
季鷹若解臨湖羨肯為鱸魚自拂衣

題畫

洞口桃花取次開嬌紅輕颭映蒼苔  
呢喃弱羽渾忘事猶意烏衣春色來

花影依稀拂水湄淺窺白鷺已多時  
輕鱗戲落從容甚啣出清淵總不知

毛幼範太守為其猶子南溟就婚武林乃閩邑

令君張婿也口占稱賀

嘉耦雙雙正少年門闌嘉溢小春元  
催粧不用尋佳句自有毛詩第一篇

明璫翠羽恰相宜林下風傳出閣時  
携得儂家京兆筆與郎巧取畫雙眉

鳳凰山下鳳求凰休把西湖比艷粧  
三日厨中新妙手羨湯先進伯翁嘗

爭看禁鬻玉菁葱遙映冰清有乃翁  
千里醮郎無別物南中應寄狀元紅

題林純如小影

顏然獨坐俯長流石壁青松景自幽濯足不須隨萬里  
科頭真欲傲千秋

高山流水意何窮逸興冷然似御風瑤<sup>草</sup>拾來籠欲滿呼  
童只在此山中

客吳門同嚴近五舟抵武林約返稍遲有作相待

依韻和答

十年久負連林約今日同登李郭舟我是西湖舊地主  
惱人風景未曾留

方干不作桐廬客相伴嚴光買棹遊正喜蟹螯堪對  
酒隨風一夜返蘓州

客吳門對雨書懷簡嚴近五

頻年人事絕逢迎三度吳門托舊盟寂寞雨中誰是主  
試將行止問君平

客中對雨倍悽然况復菜蕪旣久懸留滯周南緣底  
事不堪彈缺待人憐

石頭路滑未堪行既覆前車早自驚寄語僕夫深執  
轡莫將朽索聽他傾

未斷重陰帶暮煙閉門永日似逃禪囊中羞澁頻探  
何處飛來沽酒錢

依人作客總勞風雨蕭蕭嘆二毛安得向平心事畢  
筆牀茶灶趁吳舸

和金海門月夜携燈別陳滄洲太守遂入酒肆過

山寺移竹歸壘前韻作

太守重來竹馬迎爛柯山下憶前盟滄洲今西安閒過

鶴市聞吳語猶自籠街罵不平

燈光月影兩蒼然惜別愁分此地懸萬里孤臣傷重譴

九重

聖主待垂憐

黃公酒肆且行濁酒頻澆自壓驚頗恠當壚輕薄

子肝腸容易對人傾

微茫古寺暝寒煙夜叩重關欲問禪饒名老僧深妙

法逢人只乞買山錢

栽花種竹一般勞十載投閑已伐毛自信盤根無曲

處重看太液弄輕舸滄洲向魯蒙恩供奉內庭

口占賀蔡于陵生子

早年竹馬幾經過生子居然奈老何堂上含飴雙白首  
重將銀鹿數婆婆

無緣湯餅醉鷄頭

余在吳門未與湯餅

聞道黃胞識異流為報其

勤修井竈莫教直撞破烟樓

先生不待問湔裙膝上欣看紀有羣蠟鳳自能娛愛日  
雕龍早欲賦凌雲

口占賀凌履春花燭

寶釵纏綿結未開低聲含笑幾徘徊問即雅有便之腹可  
許傳經口授來

覽鏡晨粧有所思為即珍重自遲疑莫將容易如椽  
筆終日深閨只畫眉

額餘檀暈梅方綻吟出清新雪正寒  
皂莢樹前驚白日  
桃花春暖仰青雲

題金文瀾小影

調鶴尋芝意自清松風長拂水聲鳴幽人剩有書連屋  
執卷停吟百感生

箇中識得是文瀾一榻蕭然雲水寒手把遺經長抱膝  
縹緗世業勝蟬冠

西施

芴羅山下識傾城肯把芳心托范卿  
杜牧有詩渾不鮮五湖長恨月空明

君王豈解惜佳人歌舞曾無盡日親  
若使宮中酣國色不教麋鹿走江濱

題小影

雙桂婆娑露濕妍檢書獨坐思悠然  
樓頭仙侶憑欄望識得阿家美少年  
遠遶清泉帶綠苔抱琴童子故徘徊  
開囊莫作求凰曲

自有婵娟折桂來

小集廖瀛海齋頭觀金海門和黃栗園送芍藥花  
詩次韻三首

欲乞名花未有詩白衣相送故遲遲  
繡毬落盡玄都冷那得新開兩朵奇

黃公住種海翁詩相對何妨盃俎遲  
萬石堂中收二美一時韻事有三奇

無花無酒更無詩獨坐黃昏睡起遲  
今日倚欄深賞遍豐臺何似栗園奇



題吳東侯小影

名花傾國兩相歡  
春色依稀繞藥欄  
漫道芙蓉能勝妾  
回頭試向月中看

年少風流興未闌  
名花傾國兩相歡  
濃陰綠滿渾忘暑  
金縷歌餘徹廣寒

芙蓉如面氣如蘭  
松竹深宜伴歲寒  
手托紅蕖香冉冉  
名花傾國兩相歡

題家周生先生小影

四十年前未老身  
早看出世絕風塵  
桐陰繞翠銷炎態

坐方知白日真

把筆題詩欲寄誰  
歸來一曲亦相宜  
饒他萋萋朝陽下  
鳳羽高騫已數時

丁酉春仲集報德庵觀桃感賦五絕句

十年未理桃花興  
今日無聊借一遊  
花色遶林渾不改可

憐人面竟悠

余自丁亥春遊賦悼  
亡後絕無心到此

尋芳且逐少年行  
萬紫千紅任自狂  
莫向玄都問消息  
劉郎還是舊劉郎

梨花淨、菜花香  
麥隴青、穗漸長  
共道今年春色好

碧桃花下任飛觴

風雨摧殘尚未曾  
莫教結子暗侵陵  
怪他妖冶傾人甚  
百遍相過興倍增

獨憐零落委輕塵  
眼底繁華孰是真  
片、盡隨流水去  
深情若箇似汪倫

登釣臺二絕句

利名驅我去還來  
此日猶然舊釣臺  
漢室可憐今盡喪  
半將清節委蒿萊  
羊裘獨釣傲君王  
漢帝于今亦有光  
貴賤若能無變態

故人天子又何妨

諸暨謁陶朱公廟

廟塑二夫人像俗傳一為西施

身老吳宮二十秋  
如何復泛五湖舟  
只因錯認樊川句  
浣水長流不洗羞

誰將遺像配陶朱  
粉面塵封澤不濡

相傳西施像屢經重修只裝身從不裝面何似

捐軀沉越水  
芳魂依舊返姑蘇

浣紗石

西子風流事有無  
浣紗一片石長孤  
荒亭剝得殘碑在  
猶羨當年霸越圖

浣紗石上久無人國色誰知問水濱  
漠漠淡煙籠淺渚依稀猶帶翠眉顰

朱買臣廟

會稽太守已無妻廟貌居然配食齊  
棄婦有情長恨死四山風雨暗淒淒

腰章俗眼莫相驚命達樵夫豈敢輕  
潦倒窮年踰五十可堪搔首對先生

又題吳良生小影

拂閣梧陰暑氣收新荷花發暗香浮  
倚欄坐看紅裙戲恰

喜停橈採已休

獨愛清漣君子姿纖纖女手折來遲  
侍兒早解携瓶待取次窓前好賦詩

題林大光小影

青松為蓋石為籬竟日端居勝學禪  
最喜小童能解意伴閒時進浦城烟

忘機麋鹿足同遊淺草繁花亦自幽  
謾和風時拂面團圍紅日正當頭

三毛頰上見精神和靖風流宛若真  
記取他年看故我相

逢應嘆白頭新

題陳位公遺照

十載論交愜素心山陽重過少知音忽從阿堵親毛頰  
猶見風流繼竹林

丈人君子與先生三友真宜狎主盟白首過庭長欲拜清  
風弄影想形聲

口占從江桐山乞筆墨

傭書日、費經營磨盡客卿禿管城欲向東君勤借力好  
隨風雨伴行程

疊前韻贈江桐山

飛將終推細柳營興來七字少堅城莫輕綵筆酬江左花影  
還須步李程

黃冠難作菟裘營托鉢頻過出石城牢落故人天外聚盈囊  
佳句壯前程

再疊前韻訊江桐山

聞道深知欲寡營眼前風月總愁城箇中若有還丹訣立  
雪應當拜二程

題傅殷秀小影

風恬浪靜駐輕舟一曲琵琶怨未休  
假寐不知鄰女恨無心長付水中鷗

天光雲影映樓臺手弄牟尼坐水隈  
消渴只將茗作友江風拂面送香來

題陳麟先小影

元龍豪氣本翩翩撫劍長鳴欲倚天  
待靖伊吾清瀚海好將名姓繪凌烟

濃陰滿樹淨浮雲緩步郊行踏暮曛  
挾彈早驚飛鵲印金丸何事落繽紛

宿江卽衛和璧問韻

歸來猶載一空囊三十年中底事忙  
生入玉關真望外洗開倦眼盼江卽

過大羅灘

危灘急下力難回鷁首中流忽復推  
賴有先人忠信在幾經涉險得無留

張天翼贊

扶犁初罷便橫經子職能供豈憚耕  
嬴得青衫與佩綵衣何似一書生

負米山中為養親，赤眉相犯欲忘身。祇今重走彭衙道，夜雨秋風淚滿巾。

題美人撲蝶畫扇

新粧初罷耍孩兒，步出堦前有所思。忽見翩翩蝴蝶舞，撩人愁緒上雙眉。

怪爾人前栩栩飛，綠陰深處戀芳菲。輕紈撲入佳人手，擲與兒童帶笑歸。

又題牡丹圖

淡掃幽姿絕世無，輕盈兩美自相扶。夜分秉燭隨紅燼，遠勝當年沒骨圖。

趙昌妙手徐熙意，幻出花神下洛陽。不語自饒傾國韻，好教兒女護新粧。

題戴生小影

黃冠趺坐泊孤舟，手執遺編物外遊。綠水青山看不厭，老農樵子亦吾儔。

題常山吳足湘濯足小影

黃冠野服興翩，不羨長生強學仙。為愛松風聊駐足，會心川上正悠然。

停却絲綸懶下鈎揚波濯足自夷猶祇因素履原清白隨爾  
滄浪水濁流

和劉寧山渡海舟中作

接來佳句續車斜贏得將軍競鼓笳可笑書生長飯顆夢中那見筆如花  
莫歎無錢足買山未酬詩債向人間禁中若解傳新調肯使竒材老玉關

題計菜村小影

翩跹夢醒眼猶迷聊把蒙莊檢舊題忽見牀頭君子韻曾心還  
復到漁溪

題何通侯小影

紅蓮十丈可為船一粟滄波信渺然千頃胸襟萬斛水美人  
懷望九重天

三十年前志壯遊長風浪裏不知愁祇今歷盡波濤警翻悔  
輕乘一葉舟

題陳若磐小影

萬條寒玉碧溪流不羨人間千戶侯石上垂綸聊自適肯教嵇  
阮與同遊

停舟口號

清溪曲曲抱迴沙火傘停空日未斜一樹榕陰宜繫纜竹林

深處有人家

咏香珠

片旃擅欲走，盤蟲累常向。掌中看，乘風每藉提。唯光勝明珠，氣勝蘭。

百和團成顆，勻暗隨紅汗。欲沾巾，佳人約臂添芳態。婉轉凌風擬步塵。

蘭質輕，氣味殊。擎來芳訊繞，麝菴楚詞若解充為珮。不羨當年記事珠。

過惶恐灘

見說當年惶恐灘，扁舟急下膽猶寒。祇今浪激敬為濤，吼知是孤臣淚未乾。

題香珠小影

靖節高風世所稀，翩翩公子是耶非。東籬應有會心處，抱膝長吟自息機。

年少雄心正欲鳴，何如靜者學餐英。非貪阮逸同高尚，為愛清香晚節成。







